山庫全幸

史部

欽定四庫全書是然養養養養

詳校官編修日周 瓊 修臣表 誠覆勘

編

校對官庶吉士臣侍 總校官編修臣王熊緒 腾 録監生臣陶鳴河

朝

宗指宗元祐元年三月守慶州范純粹己以弃地易被 你接今任赴官過關雖蒙特許朝親累状乞上殿 人疏曰臣自元豐元年在陕西路備負監司適當 時至七年乃得還朝故於陕西邊事粗知始末 正七十四五三大湯 楊士奇等 撰 私困弊百姓流徙國兵殘耗雖諸路各有收復故皆廢 開拓致朝廷大舉戈甲諸路並與固當長驅而無功亦 怨親叛無甚勞費席卷可平或請覆巢長驅或請追築 奏禀職事尋准掘密院割子惟發出門故欲數奏職事 已進築而失利衆說並試一無所成徒致關輔瘡痍公 聽切以西憂之國効順歲久邊隅無事夷夏晏然私因 了不獲陳今既到任身遠朝廷須至披露論折仰顯聖 誇沈括數革布功造事欺問朝廷以謂及國失勢家

銀定匹庫全書

卷三百三十

憂彼夏國者深沈自居未即報應盖亦以頻年應敵部 累番使人貨販滋廣通約所得不減三數百萬其自資 疆内則不修常貢既形敖我之計又為自資之謀臣聞 比時以來數數遣使跡如劾順實題有謀外則不議土 族疲勞横山之人失業良久勢力未復舉動良難故 足以自支故日煩朝廷自內應副而邊防鬱隙日在可 倍置器械加費金幣益耗錫糧盡闋輔公私之力曾不 州多非中國所利之地深在敵境彻為興修横添兵屯 歷代名臣奏議 但

略充舊數而新人眇小未堪戰闘朝廷但知兵籍數目 之謀亦可見矣諸路軍兵經累次凋察之餘雖將招填 欽定匹庫全書· 其我我之計亦已行矣常貢未修彼所以言邊事之未 己抽還外議以謂朝廷晏然自以為無事人切憂之則 見近降朝旨應因軍與增置兵將官更及添伐軍兵並 而未知士卒之氣全未振奮臣未測朝廷謀畫所向但 無可疑者然則邊防大事未見成畫臣恐歲月滋久彼 竟也疆土不議彼所以為將來舉事之端也理勢灼然 七三百三十一

禀聖等尋自往見執政大臣語此邊事雖所愿亦或切 **豈再籍之能堪臣心之憂言有不忍臣昨者既不得奏** 體有傷若至期後舉干戈則生靈被害唯編户之方因 暴肆跳梁倉卒之間何以遣應若臨時欲議許可則國 Cal Driet S. Lin 思慮所得參訪羣言不敢內有所懷願陳其說臣切 至而為謀未知所從如臣之愚亦何敢以此自任唯是 力漸全待草豐穀實之秋當弓劲馬肥之際稱兵有請 語路所取夏人之地固未足繁彼國存亡之機而彼 歷代名匠奏議

争者顏禮義當何如耳臣竊觀近時之論邊事者獨以 豈不及此由是推之乃知必争之地未弃則邊靈無時 之所以乘因而必争者盖以謂日侵月削而不敢校 所以養統待時也是豈終困之理哉謂新地自興後以 小國之勢在所可憂故自保之計不得不然 謂彼既因怠無所能為加以數年可期柔服臣竊以謂 而可除也夫中國者禮義之所自出也今彼之與我必 不然彼所以嘿嘿自處未有所請但為自全之計者乃 卷三百三十一 國共謀

姂

四阵生禮

藏空虚無以取濟則聚致傷民之令恐不能軟已此又 之費莫大於饋邊若邊事未有指置他日一有調度帑 海兆民惟呼爱戴蒙被里澤可謂盛矣臣竊思念天下 使再三而未有所請之時乘彼詞理恭順而姦謀未露 累降德音凡聚斂拾積之令有害民生者悉行蠲除四 追而它日之未費者尚可救也臣伏親陛下即位以來 不可不愿者也臣願陛下静占往鑒斷自聖心因彼遣 來聚耗距萬斤弃為難殊不思前日之己費者不足復

とこうる とこう

整代名臣奏張

罪而不在乎疆土之利也中國陷冠之人又知朝廷爱 議自速徇悔伏念不獨守邊之職理當建明重以事君 人而不爱地也神功偉績可謂難名臣非不知危言異 安全亦足使四夷知朝廷前日興師之意在於拯患問 之地並從給賜如此則邊釁可期於止息生靈有望於 前後戰陣屬陷官負使臣將更丁夫悉歸朝廷其所削 多好四庫全書 以復國之由嘉其忠盡之誠諭以逆順之理趣今先以 之日特降的古縣述先帝所以問罪之意具道東常所 V 卷三百三十一

朝廷異時之患則天下幸甚傳曰事君有犯無隐臣則 首尾異同之論古人有言曰知子之為取者政之實也 淺伏蒙先帝曲賜優容每有稱可非敢獨於此日縣為 こううし 無隱矣其如位早言高安議朝廷機政實犯天愿不敢 君以臣今言少國聖慮如其粗有可採即乞宣付三省 之方義無可避臣於先帝臨御之日數論邊事屡竭迁 取予之間正在今日伏皇陛下察臣誠在憂國志切爱 極客院今大臣共議事貴機速伏乞早賜處決庶不為 歷代名臣奏議

| 新定匹库全書 以誅竄自逃 貼黃臣項者或聞北敵自有文字到朝廷請勾下西 隨宜應對尋具奏聞臣以謂西北唇齒之國萬 邊兵馬臣昨充北朝國信使日其接伴之使當語 所謂事贵機速也 廷至時却已難為處決今日機會恐不可忽此臣 北敞狡慢或一日又以夏國所失疆土為言即朝 及夏國之事亦云自有文字教南朝罷兵臣是時 卷三百三十一

運致錢帛器械置官遣成一一艱苦今日若行斤 **皆是倍價計置及歲歲勞煩稅户遠入輸納至于** 弃委是並無關害唯是鄜延路塞門一寨係當中 路之衝平川廣闊去即府地里甚近別無地利控 在賊疆於漢界地利形勢略無所利而所費錫糧 鄜延路米脂義合浮圖環慶路安疆等寨皆係深 扼之險自得塞門增遠四十餘里可為中路屏蔽 臣竊見所得西聂舊城堡岩如河東路睃盧吳堡

定包甲在与

胜代名臣奏議

務早安静奏乞朝廷恢天海之量廣示開納禦四夷之 之術臣去年夏始聞西人欲求內臣以謂方國家多事 平章軍國重事文彦博奏曰臣伏讀聖問有可樂西夏 細開陳 耗靈充深如聞朝廷已遣使相視勘會更不敢緣 存守則理或有名更係朝廷裁決所有蘭會之地 來年歲未遂似與其餘城寨利害有殊朝廷若議 粗為邊防之利無此塞門一寨舊是漢城弃陷以 卷三百三十

金罗巴尼

人自去年已來凡數次入朝即未見備歲時常貢之禮 てこうし ここ 亦未聞請常賜之物度其姦心必有所待當此之際朝 邊不欲輕舉皆是邊臣希望功賞為國生事徼倖萬一 安寧則太平之風浸陰浸久無自繳進神宗專令臣男 術羈麼而已由此可以息兵止固吾圉外夷懷服中夏 以致兵食因匱財力彈耗必料此部已經聖覽今後蒙 貽慶齊賜臣親書的一本所貴審知神宗本意止務安 下問所樂西夏之術臣愚何足以仰副虚行臣切見西 歷七名臣奏張

之使賊計不行邊壘有備此亦固羌夷之策為人謀之 責成邊臣審料贼勢精選謀者容窺賊形必先事以待 亂弱取如拾芥又可信子國之大事豈可數為狂計所 完後狡羌竊發必能制乎即如向時种諤革皆云西人 其心搖矣自靈武永樂王師不振之後兵勢民力尚未 **諤徐禧華料敵不精謀攻失策致誤邊事即關中之人** 誤朝廷於此固當熟計而深念事欲美成計須先定當 廷亦須有以待之邊臣亦必有以制之若更如向時种 老三百三十一

多好四库全書

者即己若議及疆土須廟堂之上聚謀大同尚有後艱 為因其所為之可否或議或話審而應之可者即從否 之上可以預料而審度之俟至闕下知其所來必有所 來俟至延安即臣密察亦當得其要領先時奏聞廟堂 小勝或西人我塞請與話其所由出於善意即導之使 同任其責或取與之間謀有同異即各述利害理須明 天下小康堂上高枕矣伏惟陛下聖明遠大之計固己 白後或不應謀果不臧自任其責廟謀一定邊計粗寧 歷代名臣奏議

禮極優錫賽九厚而敢思思背恵軟行公牒傳達驅吏 元年彦博又奏曰中外臣僚上言憂國受朝廷封冊恩 誠而不責其安幸甚 欽定匹庫全書 討以正有罪欲乞降部邊即及出動榜以諭中外若朝 先定出於家智豈俟臣之過慮然永易荒擇狂言亮其 自絕於天不脩貢奉天地所不容人神所共怒乞行天 廷姑務息民推天地之大德曲示含容抑羣情之怒忽 不與醜羌計較即乞明諭邊臣嚴加守備静以待之必 老三百三十一

臣伏准部問戒人狡獪未測其誠心臣愚以為四裔之 於酬報先帝舉大兵徑抵靈武幾入其國而不能以數 其道則詐無所施或失其方則驕而益肆待遇之體不 情自古無信西聂自繼遷以來專事論詐惟朝廷御得 緩急邊上勾抽 元祐元年十一月吏部尚書吕大防答語諭西事疏曰 取全勝所有朝廷續遣大兵且令分屯次邊州軍以備 可不審然以臣觀之今日夏戎之情略可見矣羌人重

欠近日日 とはあいう

歷代名臣奏該

金月四月一台書 萬人之聚入塞為報永樂諸將寡謀敗事使比敢僅得 合遂不復來城既益堅敵望亦絕此屬之無能為二也 之始敵必極力決争東其未堅至於三四不能得而後 成功盖未足以為美敵之無能為一也自來開邊進築 以籍口然自是王師深入不虞之各非其本國舉兵之 比聞東常極孱劣梁氏既死而東常已亡則內難未已 已昨蘭州之城攘斥甚廣雖一再至争不能得去歲冰 何暇外圖雖使東常得存亦不足畏今數遣使入朝而 卷三百三十

威真廟第之遠慮然臣猶謂弃之不止弱國威而已又 應接弃之則弱國威守之則終恐戎人在念臣以謂新 矣又的問向者所得邊地雖建立城寨亦慮孤僻不易 权疆土議者多言可弃盖思之未熟也記肯以為弱國 問其來使今主上嗣登實位自大遼諸國皆遣使入賀 臣愚計切聞敵使旦夕到闕可使押伴臣僚且以私意 夏國是朝廷蕃臣何故獨不至以觀其意足以測其偽 不早布誠敢者盖苔欲觀望遷延不敢先發以示弱以 歴七二日至 長大大

見其可今日措置之宜只可降的下本路將會州一處 賴之地皆並塞美田增招民兵墾以足食則供饋之費 謂戌兵少則不足以出戰多則無力以供饋臣愚以綏 界守禦亦可以稍安敵情而為議和之計矣議者不過 更不攻取其蘭州及延慶两路新建城寨只據見得地 方盜據其地延慶城寨則接近漢界一旦舉而弃之未 地本非夏國封境又其君長當受朝廷禄秩元昊以來

欽定匹庫全書

と三百三十一

有取侮於四夷之端馬不可不審計也況觸州西羌之

三ここうここここ 兵械之費一切付之而聽其自為西人畏之不敢入冠 祖皇帝擇姚内斌董遵誨二號將以守二州租賦之入 一守禦臣愚以為今日邊計唯擇將即為先轉運使為次 其他施設皆可取辦伏聞國初西戎之患多在環慶太 臣條析子細利害又的問邊計合如何指置向去如何 墾開曠土分字戰之計減供饋之費如以為可即乞下 省專事守計少存戰兵則騎兵可大減矣其增拾民兵 今以四海九州之力奉邊而不足太祖以二州租入之 歷代名至奏湯

俾各擇其才能以充其任使屬官備邊之城專事守計 即其次以為將佐又擇公正強 明之臣以為轉運使副 愚以陕西五路宜擇威名忠亮之人不限文武為之統 費禦我而有餘以此言之守禦之方在於得人而已臣 而出戰救援之兵蓄於內郡平居則散而耕冠至則聚 得出戰戰兵雖見大利不得久在邊如此則費省而易 報之無使其得志亦不妄動以生事守兵雖見大利不 而守且為内郡之兵以援之視冠入之多寡深淺而必 卷三百三十二

一銀定四庫全書

又已日日上上前 其弊哉以為可者則以為蘭州之地乃彼所素有吾雖 要地以利之而不能已其侵冒孰與守其要害而坐制 思之二者皆有所見非首而已也以為不可者以我人 而朝廷大臣議論不一或以為可弃或以為不可臣 給事中派覺乞弄關州上奏曰臣項在諫職常議蘭州 供守堅而不堕其計矣 可弃两次奏聞未蒙賜可切聞西人在館以蘭州為 保弃信忘義今日得地明日侵邊未可知也與其割 歷代名臣奏議

弃之便凡臣所謂弃之者非謂直弃以與之而已盖欲 問亦可以休息邊人困苦之弊萬一西羌不如所請跳 觀之今者朝廷之於西羌幸可東其無事保養三數年 雖不同然皆為中國計慮憂深思遠有志之士也以臣 跟禁鶩如元豐時則臣知廟堂之上憂未艾也臣以為 西人之際恐西人今請不已用兵未有己時二者所見 萬羌人又當大舉圖閉久之乃罷終為中國之患而生 得之增兵益戍未當有毫髮之益而歲糜一百七十餘

金月四月白書

卷三百三十一

與之如此則吾所得者亦不少矣伏望旺慈因其來請 , こう う 羌事往返至於五六年從其策而事乃集廣謀博議古 明主也趙充國良将也以宣帝之明充國之老練其論 特與之勿牽於異議拘於常守而失此機會也漢宣帝 哲宗時侍御史劉華論邊事上言曰臣伏見九豐中出兵 之人不免要在明主擇而行之 人取之而去者有幾今西人先以還我約束既定乃議 於未與之時先與之要約西界寨栅往時所謂要害羌 **亚代名臣奏**議

岩虎狼亡厭争求不已得地據險益擾近郡其能保不為 空城子之以示恩惠此言是也然難者謂予地所以息争 財害民以争非其地其勢不得不弃因而後弃不如一捐 者曰往年與師本以吊民伐罪既取地自利其勢必争傷 默定而區區不能自己謹復條列一二補前奏之未備以 欽定四庫全書 待採擇議者之論臣當詢訪本末備得其說為弃地之議 朝今及人汎遣使者已到即累日其勢必有邀請雖廟議 西界增創城壘議者講求利害久矣臣亦嘗具三策上於 **M**

一患子為守地之議者曰頗儲設阻增募土兵遠介近提 弭未然之患如難者所憂則雖好謀之人莫敢任責寫 其能保終守此地子故議者之論非不由盡事理至於 也然難者謂敵不得地兵難不解日引月長邊墨益大 何地不守且先皇帝之所得而以予人非是此言亦是 矣願保沒齒不見邊境之憂惟陛下赦其愚使畢其說 料朝廷深計遠慮未欲遠決亦必以此臣愚不好獨謂 用兵以終守其地誠難保也弃地而使不為患臣雖老 .J. J. 歷代名臣奏議

臣聞向所得地在熈河為蘭州在鄜延為五寨蘭州本 有西顏之憂使我師每戰每勝臣循以為非國之利又 而固不予彼將獸困而開借兵北戎以逞其您朝廷且 道而自夏人視之為必争之地彼将以擔約為請固請 厚薄所須守兵多寡轉的勞逸皆朝廷所熟究臣不復 白垂簾稱制正思與民休息而顧欲戮力血戰以爭尺 西蕃故地而五寨本夏戎所有也其地道里迁直産利 況殺傷相當成敗未可知皇帝陛下諒陰之際太皇太

欽定四庫全書 /

卷三百三十一

勢曠然推恵歸侵地復歲賜丁寧戒物分棄前患復謹 年矣蠻貊好事已厭固天性也然且如此則思深利厚 終守其地是臣之所以不敢保也國朝自祖宗以來歲 亦將感激退聽復如前日何苦必欲動衆犯順以自魚 **舊約彼雖有桀點毗睚之意既一杜塞其欲無所發則** 捐金帛數十萬遣使修約而西屬稽首順命者數十百 寸無用之地所謂以隋侯之珠彈千仞之雀由此言之! 足以羈麼其心故也今乗先帝討擊之威因其屈服之

大三日日年十二年 /

歷代名臣奏議

五五

獨臣以死保之自祖宗以來御此敵者用此道也臣顏 其怒心虎或可養而況四裔手由此言之拜患息争非 拳之愚不敢不盡令夫請地在彼子地在我是以主制 措置織悉施行次第在朝廷裁之而已雖然臣猶有奉 采議者之論觀異日之勢而斷以此意大計既決其餘 肉其民雖彼之國寧獨利乎古之養虎者時其饑飽適 金月世屋石量 客以逸待勞之勢也為彼計則不得不急為我計正宜 從容閒暇鎮以無事臣切怪近日議者皇皇沒沒視此 卷三百三十

古有之雖絕王極治所不免然無如今日匈奴之盛強 殿中侍御史吕陶上慮邊五疏一曰四夷為中國患從 或先復歲賜而做示以不爱地之意度其劲順堅決至 者雖在即臣顧且母遠許以地而厚禮答之善詞遣之 夫豈晚乎臣愚不知大計惟陛下裁幸 於再至於三然後以歲月子之所謂許四裔不一而足 如金城湯池唯恐不守不然如附贅懸疣唯速去之 快異議紛起先自感亂又何其迫逐無大體也今使 ましていることに

前世聚兵置即控扼之地既已弃而為其巢穴矣而乃 以廣部族至於石晉則又藉其兵勢以取天下乃割地 以洗數世之耻然無如今日制御之失也盛疆之漸非 以報之夫十六州者皆據宅要害天之所設以限四裔 見利害互論得失或專和親以的一時之安或務討伐 也禦戎之策前世止言中下雖播紳之儒介胄之士備 劃千里平廣之野以自守禦且藩墻不完而户庭易覘 日而能盖自光故以來善窺中原之多故起掠旁都

一欽定四庫全書

卷三百三十一

聽而當時之勢顏有未安乃議增其金帛以至五十萬 講好之請章聖皇帝以休息天下為慮有為民屈已之 連結以邀利於上多張虚聲屢出慢言以較惑朝廷之 說可其盟約因而罷兵而天下之武備漸以弛廢至寶 原之意國家之興數從數叛景德之後氣餘大喪始露 未悉象來冠如蹈無人之境而得志以歸於是有輕中 則冠兵奮臂以入又安惟其南牧之患哉是以晋祚之 元康定之間西都不庭王師未克敵人觀我之费外自 世七ノコ五七大学

一致定匹庫全書 之問以觀吾君吾相之應答而朝廷奉奏然若奉盟主 執事者不取也夫兵家之要先據地利不然則善屈敵 御外敵有如今日者乎然而恃以為長久之計亦竊為 鄰好舉天下生民之膏血却以鞭扑聚以錐刀而歸於 未當輛件其意寧忍愧耻不敢與事惟重與柔辭以固 今三十年矣時獻一書歲馳一介設難可之求發非常 人之力而勝之故軍志曰先處戰地趣戰者勞又曰以 敵者幾千萬也古之外敵强盛有如今日者乎古之制 卷三百三十一

實彼供我勞一旦東隊而發則勢將不可是和之愈久 雖曰和戎為利又安獲其利哉臣恐積日持久我虚彼 則害愈深而禍愈大所謂養虎遗患也善制四獨者不 搖動則素所恃者亦不足矣始防外憂而終召內患也 強 富疆耳而培剥吾民歲為供饋使之坐得厚賄以充其 之會而我皆失之則地利有不及也所恃者獨中國之 供待勞以飽待機謂之理人力彼十六州者古稱險固 悍之力而我之生民日超国弊王兵未舉而那本先

一次定四年全書

歷代名臣奏議

請而議者不思遠圖廼許之以金幣垂三十年而請地 萬世之舉矣貸而不戮則固有噬腳之悔及其以地為 景徳之戰彼力既屈而謀臣猛將欲求其敗以鏖之此 如是則中國何事於畏戰而好和哉今日尤宜思之矣 邀利於我乃其計之得也彼之所欲者亦未必然耳夫 計今我常欲和彼常欲戰則彼能測我之所欲而以戰 在我和亦在我是故中國不可料以一隅而四夷無得 若是叛戾不率則有戰困窮而馴伏然後與之和戰亦 卷三百三十

金ラロカノニ

助之也藉以為利者陰受其害也名為惜民而實乃戕 限敵心無厭而國之大費日益不給用以制之者適足 則平日畏戰而不欲加兵矣將益之以賂邪則民力有 而尚失其策則陵侮之勢無休己時也將拒之以兵邪 朝廷矣臣雖甚愚不知何以禦之哉彼方窺吾之備禦 十年矣知天子之新即位而欲窺中國備禦之淺深強 之靈後作於慶歷之始則又從而增之慶歷距今亦三 弱乃其謀也向之虚聲慢言而有請者疑其旦暮聞於

とこり 日 とことす

歷代名臣奏議

九

心積憤也以地言之而謂其廣乎則我之享有四海而 而彼絕什二也以材言之而謂其足用乎則禁點之族 彼乃一隅也以兵言之而謂其多乎則我之成軍百萬 也以義言之而謂無數手則慢求僭請接踵以至而家 體言之而謂不順子則中國固可鞭笞四夷而除主威 二日朝廷畏戰甚矣天下之士疑馬而未知其端也以 兵之略臣敢繼而備論馬 多京四庫全書 民也勢至於此則莫若一任威斷而不可不用兵矣用 N. 巻二百三十一 1) 1. J 1. J 1. L. 1 饒不若實幣之積也中國之直且强敵之由且弱也如 皇威以申九伐之令則豈及於窮兵好戰之失哉持是 家方有四裔侵侮之患而未當一議誅削之策是以中 惟其窮兵則受弊戰所以殄冠也惟其好戰則取亡國 戰危事不可輕議而妄舉也斯大不然兵所以禁暴也 國之氣鬱鬱不振而天下之心不勝其憾的一日香揚 此然猶畏戰而不敢用兵以正其罪論者乃曰兵凶器 不若多士之賢也以力言之而謂其富厚乎則馬羊之 歷代名臣奏議

銀定時全書 危事而不講求其具也告者六國併力以攻孤秦百戰 之愚夫由士皆知其不足以給之而必至於兵戰也知 而歸於覆亡者豈兵之不可勝敗盖以地路秦而不知 甘言厚幣之不足結則何事極竭吾力以填虚山之壑 於兵戰惟甘言厚幣結其心而致萬世之安乎雖天下 談者膠柱於一 而飽冠雌之力哉知兵戰之不可免則又何憚夫凶器 其地盡而兵亦弱也今天下之勢固萬萬異於六國然 一偏而未能應變也度今之勢必可不至 卷三百三十一

事彼常邀點而無厭者欲窮我之力也以點與之而不 以遼人與我為敵之情而言則亦有類於秦與六國之 盟有達蘭之敗然後有景德之好今肆其陵慢務求於 次絕其路示以必戰而求其成功於終也夫国則畢順 決於一勝而驟平其巢穴盖亦大為之防先嚴其備而 亦非大舉六師長驅深入輕吾民之命犯天下之危力 殭 兵禦之則何以息其見窮哉然則臣之所謂用兵者 則驕逆者敵之情也有田欽祚之勝然後有開實之

たでり しいかう

歷代名臣奏談

陛下繼治之始乾健離明運炤萬物天威霆怒震驚四 會而更張備樂之策示之以無所貸忍之意而有所必 海殊方礦俗深有未測而方觇伺於我則固宜乘此機 可犯故也是以疆而不困驕逆日甚而早順日遠幸今 我而不已者豈其勢力必能乘中國之釁哉盖六十年 目所見惟知中國貨財之可取而不知中國威武之不 夫猛士不敢彎弓而北嚮彼方之人少而耳所聞長而 扭於國家之仁治珍藏之財歲歲厚遗而無窮已壮

多为四库全建

卷三百三十一

潰者從古未當有也不過十年 敢必衰矣的非屈服於 欠日日日上十 於守備則其勢無所得如此而部族之不微黨與之不 乎則我之財不復可凱欲以戰為事乎則我之兵可用 蓄之具則敵之計及覆皆窮而不知所出欲以路為請 而無所憚夫內之既失於貨賄則其力自困外之又逼 謹固封畧以全守禦之形然後罷其歲點而使之無素 嚴軍政慎擇將師精練士卒分也要地以為犄角之勢 誅之道以變易其視聽而破壞其姦心夫講求邊備申 歷代名臣奏談 Ī

之患臣當語其詳而奏於前篇矣及西戎逆順之情狀 之危朝廷之上早夜深憂切計孜孜而不己者惟二邊 與人而拱手以待冠至者孰為愈也 金月四月白書 三曰今天下之勢内無强臣跋扈之漸外無僭國割裂 高古今而福及廟社豈不偉哉與夫平日委百萬之貨 之策即范陽故府建堡置戊以過三路入冠之漸則熟 我以就命則必逃過亡匿於幕北寒苦無水草之城而 不之見也夫然乘坐勝之勢復蘇到之地遵祖宗前定 卷三百三十一

而一旦捨之以資彼冠使西域諸羌坦無監礙合而為 地方廣千里表裏山河草本肥茂足為放牧耕戰之所 盖彼之部族日以盛大而我之制御失其策也靈武之 人安處其間為之障蔽也西域之不能通則北敵有以 通西域以弱其助今之所以不能通者由弃靈武而夏 其豺狼之心求犯天子之威怒而不知懼者其故何哉 臣亦竊覘其大略馬夫以五州之地數萬之聚而敢肆 則其類益廣其勢益種不足惟也告之制北敢者必

ていりうことう

聖代名臣奏樣

主

丧大功資養餘孽以遺害於後世至今天下深惜之泊 首領籍漢之户來歸者八千餘族因隳夏城徙民於内 釤贞匹 是以太宗皇帝奮揚武怒統意誅翦王師一舉而俘其 之部賜國姓授節鉞以羈縻之至淳化之初侵掠不已 非一也興國之際繼捧既奉朝貢則繼 遷為冠故端拱 乎章聖嗣位逐請蕃任朝廷雖察變許站務寧息乃有 及至道之始則又有五路之代然而諸將緩期不援逐 連結而夏人之强梗豈可量哉且自國初而來逆順固 庫住書 **>** 老三百三十一

綏四夷不戰而屈人兵之長計乎臣故曰彼之部族日 之僭叛此始終順逆其情狀可見者也賜之以國授之 盡陷德明幼弱則有景德之歸總元昊狂悖則有實元 以盛大而我之制禦失其策也況比歲已來服容官號 以節鉞封之以功臣加之以王爵朝廷之恩信極於此 矣皆不足以忧來其心而屈服其志於是路之以厚幣 刺史功臣之拜其後清遠靈武之役起於成平而二壘 固結盟好幸其不犯邊吏而免用師之勞豈恵中國

欠已印度心町

Ī

歷代名臣奏議

二十四

益吾之歲路而絕其貪心就兩端而窺之則所謂舉衆 而養之甚可痛也臣計其逆戻之意不過兩端而己大 之詞甲者進詞强者退告胃頓匿壯士徒馬不以示漢 則欲舉眾犯塞徼倖於一勝之利而徐圖所您小則欲 又與之謀議叛釁之前已數年矣而朝廷不為備愿從 以伸難塞之請屢傳閱集以簽近塞之耳目招致通逃 不復循習舊俗皆竊取朝廷之制而做用之多遣介使 犯塞者亦未必能爾惟求益歲路則固其心馬兵說有 卷三百三十

金为四母台書

其 謂吾畏之而必益其路戰而敗邪則必曰近塞諸羌擅 使舉衆入冠則勝敗之際亦有兩端而已戰而勝邪則 用兵爾為此說者欲吾歲賜之不絕也彼之得失兩獲 求何時而息乎此天下之共議而廟堂之宜慎動也就 彼以形聲誇我而遂益其點乃逆計之得矣則無厭之 此而言則更人為彼不庭之能者欲求益歲路而已也 使盖有攻漢之心也誇人以形聲者豈必有其實哉由 てこうえ ことう 利而吾可以不計哉內府之財產生之力捨之以陷 五

歷弋名臣奏議

家臨制之術夫然則其利雖小可預數十年邊鄙之患 來則你之去則守之母畏其兵母繼以貼使之不測國 四 復靈武而後可也 邊略不為形聲之所販動而遂自處於柔弱恐懼之地 而無旦夕之憂的欲謀其大者而滌除本根之害則必 必有先後而利亦有大小今之所先者莫若精武備謹 冠則貽害益甚孰若取之以養兵而疆威也事之施設 曰朝廷之弃靈武凡幾十年矣議者以為殊方絕塞

多好四庫全書

巻三百三十一

ここりうここ 羌所以不敢入處三輔為心腹之害者以涼州在後故 彼哉臣雖狂愚軟謂不爾今西邊諸郡多與蕃戎接迹 皆足以垂裕後世然則何必疲弊中國之力而興事於 於我也況西域不能通而北鄙無以弱乎皆東漢之世 旦夕惴惴常有侵掠之虞者蓋失靈武而致其境土迫 九百里而弃之元帝以指之一言遂罷朱姓不復計擊 無用之地告漢武以英材雄略征伐天下舉造陽之地 西羌屢擾鄧騰欲弃涼州虞詡以為不可其議乃曰今 歷代名至奏議 Ē

|| 銀定匹庫全書 之心三曰分兵以因其力且西鄙諸羌類族至泉有地 措置之大略有三而己一曰離旁鄰之助二曰故嚮化 之間而速求其劾盖亦久而不懈而要以成功於終其 之憂不己亦何異此故臣愚以為必復之則本根之患 **废幾可以除也然則臣所謂復之之策者非經營朞月** 恐不足禦今靈武久弃而西羌盛大二鄙連結而中國 也若弃其境或徙其人衆必生異志雖太公白起為將 也其土人所以推鋒無及顏之心者為其臣属於漢故 巻三百三十一

ここつき とれ 助臣又聞我商之性自用而好忍比歲以來雖腹心之 支能以部族出討繼遷卒致敗滅當時議臣欲加王爵 恩信谕之禍福厚賜金幣重假名器以懷結其心而感 褒龍其効今之不附於夏人者其謂誰乎則固宜數導 其力必有輸忠義而為梗於彼者使諸羌類族攻戰 君臣此固中國以四裔伐四裔之資也告景德之初羅 則外有所忌而内不敢抗於中國此之謂離旁鄰之 歷代名臣奏議 主

可守有兵可戰雖强弱大小其勢不一而其心不能相

黨與將漸攜貳此之謂故總化之心況今西爰之兵不 散 满二十萬已冠於我悉聚而至大抵長於聚而不長於 歸之請而撫存之且以索求其左右之姦誤則聂人之 **徨猶豫計莫能決則固宜擇任土人為之誘導可其來** 敖塞劾順之意然而懼乎無見容之地而退就刑戮傍 則涇渭為無處逼環慶則麟府未當警此虛實家房可 人往往罹陷誅殺是故為其役屬而處於要重者竊有 庆 可以獨支於一隅而不可雜出於諸路是故犯秦隴 四库全書

とこううしい 彼得以縱暴於我言之國體殊未壯也茍法細禁徒 利也奈何不圖長遠之計而過務姑息幸朝夕之無寇 失之地庭幾必復而西域有可通之漸乃中國數世之 其西彼擾於南則追其北則力有不逮而氣亦丧矣此 得以放牧其間今之所謂巡照者吾不可張予西嚮而 見者也儻任吾犄角之勢而更相援助彼掠於東則擊 至豈不惜哉今之所謂禁地者吾不可徒歩報履而彼 一謂分兵以困其勢為是三說而濟以久而不懈則己 歷代名臣奏議 主 自

邊不失備兵已知戰而猶甘心以欺侮者誠亦未之思 采被出車扶杜六月采艺江漢常武之類分列二雅而 遣将用師之役其見於載籍可得而擬議者在詩則有 五曰自周而下外域之勢稍稍抗於中國而朝廷時有 也 也盖萬事弛廢變生於倉卒而莫能支矣以今況告則 詠歌之至於齊桓以大國之資起為盟主而衛王室其 損弱而不敢奮然革易者得非畏康定之失乎皆之失

多为四周全書

卷三百三十一

夷之憂是以才謀智識之士探窮原本而務為經遠之 夷之分始交而失其别及乎積久而國家旦夕常有四 議雜出於一時之不得己而以和親為說於是中國四 夷為難制漢氏初興大亂甫定羌戎之患屢起故其計 ここううないはう 其思慮精密而規模恢廣雖時異事變亦可做而用馬 策志在力平邊鄙之難而不欲使之一日報犯於中國 歷代名臣奏談 主

大緊皆務攘除驅逐而不使之有損於中國亦不以四

於異域最號有功雖春秋實予而孔子稱其一正天下

畜省大贵以待寇之自弊此趙充國之計也夫欲今隴 地勢而心畏敵者功相萬矣此鼂錯之議也夫欲度羌 夫欲特設一官以主蠻夷之事使吾日理而彼日危然 此賈誼之術也夫欲徙民實邊使遠方無屯戌之勞塞 後施三表五餌而係其頸令干家為一國而處之塞外 西以北定安以西八郡之民罪非不赦者皆得輸栗於 下之民父子相保而無係敵之患則與東方戌卒不習 故田及民所未墾願罷兵分也要害賦以農事益積

多好四月全書

卷三百三十一

詢博聽竭其智力而辦之哉此賈誼之術可施於今日 委廢而不暇修講則孰若特建一官以專其任使之廣 今二邊之數中國以為大患而百官不尸其責疆場之 四方兇悍不逞之徒坐食塞下如寄於逆旅之中而督 謀日勞於吾君吾相之念慮而未聞成功天下之務或 フン・ショー ここう 以殄寇則孰若募近塞願從之民及以罪而選者一切 也三邊之地嚴於打敵一夕不敢总備而土兵無幾聚 公以贖其過且廣邊備而為守戰之具此張敞之言也 聖代名臣奏議 丰

於今日也一方少警則四海有饋餉之勞歲拾月敛竭 寬假而命之久安於彼以為禦衛哉此鼂錯之議可施 銀定匹庫全書 且有行於急匱哉此張敞之言可施於今日也臣竊惟 為屯以墾塞下之閒田而助足兵足食之利哉此趙充 而給之倍價以王官易民之錢刀假浮屠法以度非類 國之計可施於今日也不惜國家之公利召富商入殼 耗民力以養不耕不戰之卒而勢不可已則熟若募人 而為饋邊之備則孰若貸民之輕罪而命之以栗贖過 巻三百三十一

親賞擅行殺戮以至敗軍覆將驗動一方上煩朝廷兩 陷又乞徒瀘州戎兵歸内郡上奏曰臣切見音年瀘州 首於一時之利而不若古人經管之久以圖其功於永 乞弟入寇始因求索一髦骨價事至毫末而邊吏貪功 施設則四子之策熟云無補於朝廷乎勿謂其區區既 世故也惟吾君吾相深思極慮參求古今之宜而慎其 方今之散盖危而後為之謀及乎暫安則置而不議皆 往之陳迹而不之考也

とこうしんな

歷代名臣奏議

主

處止有茅屋數問賊亦過去竟不能獲乃是以天下之 次命師西討調發數萬公私之費其數不貨两蜀瘡疾 多方四月有言 萬餘作為聲勢欲致此賊其策亦陳矣夫欲致賊而不 力與螻蟻計較毫釐以生民膏血棄如粪土爾比朝臣 今未全復初林廣統領大兵深入巢穴及到乞弟住坐 數年亦無所得此朝廷亦未詳知也今瀘州內外屯兵 首光祖怙權作威肆其殘虐善漢被害犯淪骨驗經營 固未詳知也其後以王光祖為瀘南安撫意欲生致賊 三十

竊謂安危之機正在今日若應之有道處之有祈則安 蘇軾因擒果在論西羌聂人事宜割子奏曰臣寫見近 匿其形贼不可得且萬兵之費饋運日勞雖無寇至坐 者照河路奏生擒果莊百官稱賀中外同慶臣愚無知 元祐二年九月八日翰林學士朝奉郎知制語無侍讀 疆場示不必取之意要以歲月當有成効 耗民力臣愚以謂乞弟之存亡違順不足上煩朝慮宜 切置而不問唯從重兵歸內都以省横費戒邊臣守

21.1011111111

歷代名臣奏議

靡弊然夏人国折亦幾於亡横山之地公邊七八百里 數機贏之餘乃始款塞當時執政大臣謀之不深因中 故臣區區欲乞陳前後致寇之由次論當今待敵之要 邊息民必自是始不然將驕卒惰以勝為災亦不足怕 國厭兵遂納其使每一使賜予貿易無慮得絠五萬餘 至五十餘千其餘老弱轉徙牛羊隨壞所失盖不可勝 雖狂愚無取亦臣子之常分告先帝用兵累年雖中國 不敢耕者至一百餘里歲賜既罷和市亦絕敵中疋帛

多员四月全書

卷三百三十一

覆亦不至如今日之速也敵雖有易我意然不得西蕃 我俟其詞意屈服約來堅明然後納之則敵雖肯思及 十萬絡使五六至而累年所罷歲賜可以坐復既使 之意以為欲戰欲和權皆在我以故輕犯遇隱利則進 てこうえ ことう 不納其使且鉛邊臣與之往返商議所獲新疆取捨在 否則後求和無不可者若當時大臣因虜之請受其詞 因吾資以德其民且飽而思奮又使其窺我厭兵欲和 足歸鬻之其民足五六千民大忧一使所獲率不下二 歷代名臣奏儀

許稱嗣子偽書果莊温希沁等名以請於朝當時執政 部吾又何求若其不服則蒙自彼爵命未下曲不在吾 從汝請遂授節鉞阿里庫真汝主矣汝能臣之如棟歌 若且令邊臣審問果在等以阿里庫當立不立若朝廷 乎若此等無詞則是諸羌心服既立之後必能統一都 公主以就其君之二妻棟歌死匿喪不發逾年衆定廼 解仇結好亦未敢動夫阿里庫棟戳之賊臣也挾契丹 國三公則各分其恩禮各以一近上使額命之

銀片四戽全書

巻三百三十一

てこり時人は 免狂輕用其眾故其為邊患皆歷年而後定今梁氏專 前後致寇之由明主不可以不知者也雖既往不咎然 怒而盜邊更人知諸羌之叛也故起而和之此臣所謂 仇結好之謀而果莊亦不平朝廷之以賊臣君我也故 憂果莊之討也故欲借力於 西夏以自重於是始有解 省事為安因其妄請便授節鉞阿里庫自知不當立而 可以為方來之鑒元昊本懷大志長於用兵亮祚天付 果莊等各得所設宜亦無患當時執政不深慮此專以 歷代名臣奏張

急務而詔書之中亦許夏人之自新臣切以謂開之太 降韶諸路較勵戰守深明逆順由直之理此固當今之 必從猖狂之後求無不獲計不過此耳今者切聞朝廷 意可肆無厭之求願會諸城鄜延五寨好請不獲勢齊 二里在位恭默守成仁恕之心著於遠邇必無用武之 易納之太速曾未一戰而厭兵欲和之意已見乎外此 **外與中國敵卒料其姦謀盖非元昊亮祚之比矣意謂** 國素與人多不協方內自相圖其能以創殘呻吟之餘 巻三百三十一

|多页匹戽全書

尚**詞意未甚屈服約束未甚堅明則且却之以示吾雖** 斷之於中深詔大臣密敕諸將若夏人敖塞當受其詞 とこうえ ことう 今雖故塞及覆難保若實改心向化當且與邊臣商議 若朝廷復納其使則是欲戰欲和權皆在敵有求必獲 而却其使然後明敕邊臣以夏人受恩不貲無故犯順 不獲少叛雖偷一時之安必起無窮之獸故臣顧明主 敖塞之謀必將 為恭狠相半之詞而繼之以無 服之請 復蹈前日之失矣臣甚惜之今欲聞果莊之捷或有漸 12七名臣奏说 蓋

大獲不過數年必自折因今雖小勞後必堅定此臣所 謂當今待敵之要亦明主不可以不知者也今朝廷意 吾雖為然開懷待之如舊能必其不叛子今歲涇原之 似與聖意異者然古之聖賢欲行其意必有以由成之 在息民不憚屈已而臣獻言乃欲艱難其請不急於和 納其使必不於往及商議之間逐復盜邊若非心服則 入豈吾待之不至耶但使吾兵練士能斥候精明敢無 不逆其善意亦不汲汲求和也彼若心服而來吾雖未

多定四库全書

卷三百三十

ころうう しょとう 以求無事然事之起題至於此不幾於有病而不服藥 藥也乃者阿里庫之請人人知其不當予而朝廷予之 以殺人夫生事者無病而服藥也畏事者有病而不服 弊與生事均譬如無病而服藥與有病而不服藥皆可 以為過矣夫為國不可以生事亦不可以畏事畏事之 所至則臣之愚計於安邊息民必久而固與聖意初無 小異然臣竊度朝廷之間似欲以畏事為無事者臣竊 未當直情而徑行而有獲其意者也若權其利害究其! 聖代名臣奏儀 美

幾何臣於侍從之中受恩至深其於委曲保全與泉獨 多定四庫全書 帝之意本在男代而貪功生事之臣惟務殺人争地得 勝乎功成而兵不解況不成乎頃者西方用兵累年先 功易成若不伏其心惟力是恃則戰勝而寇愈深況不 奏曰臣聞善用兵者先服其心次屈其力則兵易解而 二十七日載又乞韶邊吏無進取及論果莊事宜割子 異故敢出位先事而言不勝恐惧待罪之至 乎今又欲遽納夏人之使則是病未除而藥先止其與 巻三百三十一

置吏積栗而守之則中國何時息肩乎乃者王韶取思 致死莫有服者今雖朝廷好生惡殺不務遠略而此心 以為河南之地指顏可得正使得之不免築城堡屯兵 未信憎畏未衰心既不服惟有關力力屈情見勝負未 國以謂朝廷專欲得地非盡減我族類不止是以併力 河全師獨克使韶有遠應誅其叛者乃以忠順即用其 尺寸之土不問利害先築城堡置州縣使四夷僧畏中 可知也今日新獲果莊威震異域邊臣賈勇争欲立功

ここうう ことう

聖代名臣奏議

Ē

使諸羌知中國有進取不已之意則寇愈深而兵不解 多员四库全書 春年諸羌可傳檄而定然朝廷至意亦自難喻將師未 今又欲取講王城曰此要害地不可不取方唐盛時安 豪酉而已則今復何事其所以兵連禍結罷弊中國者 之自今已往無取尺寸之地無焚廬舍無殺老弱如此 其禍豈可量哉臣願陛下深部邊吏叛則討之服則安 西都護去長安萬里若論要害自此以西無不可取者 以郡縣其地故也往者既不可悔而來者又不以為戒 巻三百三十一 ここうう こよう 自知生存終不得歸徒使其臣子首鼠顧忌不敢復讎 莊山豪素貴老病垂死必不能甘於困辱為久生之計 必將不食求死以發其衆之怒就使不然老病愁憤自 深責其子孫部族猶足以陸梁於邊全其首領以累其 負赴闕面較戒之使歸以喻將師而察其不如韶者臣 心以為重質無獲其用此實當今之良策然臣竊料果 又竊聞朝論謂果莊犯順罪當誅死然譬之化外不足 少從也雖日行文書終恐無益宜驛召陝西轉運使一 歷代名臣奏議 夫

退未可以一二數也如臣愚計可諂邊臣與果莊約若 能使其部族討阿里庫而納趙純忠者當放汝生還質 堅而温希沁介於阿里庫夏人之間地狹力弱其勢必 多定四角全書 喻至意馬果莊既有生還之望不為求死之計其衆必 危若見并而吾不能救使二敵合三面以窺照河則其 庫合而北交於夏人此正靈貊同舟遇風之勢其交必 之天地示以必信果莊若從則稍富貴之使其信臣而 非人生之道果莊若死則其臣子專意復讎必與阿里 卷三百三十一

羌本與夏人世仇而果莊本與阿里庫不協若許以生 也議者或謂果莊之獲無用近界質豪力戰而得之仇 之與同即起卒擒元濟非豪傑名將不能行此度外事 誅放還豫章卒立奇功李愬得吳元濟将李祐解縛用 從以果莊之衆與温希沁合而討阿里庫其勢必克既 而不合也告太史慈與孫策戰幾殺策策後得慈釋不 還其衆必相攻縱未能誅阿里庫亦足以使二盜相疑 克而納純忠雖放還果在可以無患此必然之勢也西 ここうえしこう 歷七名臣奏儀 芜

銀定四庫全書 削 盟若所在為讎敵正中國之利無可疑者臣出位言事 十月七日載又乞約果注討阿里庫劉子奏曰臣近者 等依中國為援足以自全自古西羌之患惟恐解仇結 怨已深若放生還此等必無全理臣以謂不然若果准 竊見劉舜卿賀表具言阿里庫罪狀又竊聞舜卿奏乞 死於中國其眾儲此等必深若其生還其儲之亦淺此 不勝恐快待罪之至 阿里庫官爵續又聞阿里庫上童請命議者或欲許 N. 卷三百三十

ここりほとよう 中原之憂非獨一方之病也且夏賊逆天犯順本因輕 盖是部族新破泉叛親離恐吾乘勝致討力未能支故 子度其久遠必須協力致死共為邊患今來上章請命 校及覆必無草面洗心之理今間其女已嫁 梁伊伯之 命以威脅諸羌誅不附己者羽翼既成西北相應必為 匿情忍詬以就大事若得休息數年蓄力養銳假吾爵 其自新以臣愚慮二者之說皆未為得何者阿里庫兇 朝廷以為必不能討已今若便從阿里庫之請則其 歷代名臣奏議 胃

所質勢未能動而又有凌戬在其肘腹迹同而心異若 **苟無他奇恐難以得志臣愚以謂當使邊將發厚幣遣** 辯士以離其腹心壞其羽翼今聞温希心等諸族已為 須發兵深入致討彼新喪大首領舉國戒懼我師深入 之請理無不許二寇滔天自若欲戰欲和無不可者則 所料良不為過西蕃小聰朝為叛逆暮許通和則夏國 西方之憂無時而止矣然遂從舜卿之請削奪官爵即 用臣前計使過臣與果莊約若能使其部族與温希沁

郵戶四月在書

X

巻三百三十一

置之度外陰使邊臣以計圖之似為得策臣屢瀆天聽 朝廷既不納其通和之請又不削奪其官爵存而勿論 數年之後必自飛揚此所謂養虎自遺患者也故臣願 罪當誅死 凌戬等合而討阿里庫納趙純忠即許以生還此政所 ここうう とことう 和即須推示亦心待之如舊不可復用計謀以圖此賊 謂以敵人攻敵人計無出此者若朝廷便許阿里庫通 八年十一月十一日載知定州又乞增脩弓箭社條約 登でる臣奏流 Ĩ

官李之儀孫敏行親入諸管按視曲折審知禁軍大率 邊諸軍未當出征終年坐食理合富疆臣近遣所群務 安應危有國之常備事不素講難以應來今者河朔公 狀奏曰臣竊見北敵久和河朔無事沿邊諸郡軍政少 問其故盖是将校不肅斂掠乞取坐放債負習以成風 貧窘妻子亦露幾寒十有六七屋舍大壞不庇風雨體 東遠甚雖據即目邊防事勢三五年間必無警急然居 弛將驕卒惰緩急恐不可用武藝軍装皆不速陝西河 卷三百三十一

多片四库全書

欠已习戶公島 賊已覺衰少年歲之間無草此風然臣竊謂公邊禁軍 敵疑畏或致生事臣觀祖宗以來公邊要害屯駁重兵 加訓練晝夜勤習馳驟坐作使耐辛苦則此聲先馳北 報與妻孥 注别被甲持兵行十數里即便喘汗臣若嚴 緩急終不可用何也驕惰既久膽力耗憊雖近戍短使 博逾濫三事不止雖是禁軍不免寒餓既輕犯法動郵 逃亡此豈久安之道臣自到任漸次申嚴軍法逃軍盜 将校先違法不公則軍政無縁備舉所以軍人例皆飲! 歷代名臣奏議 7

其用卒無成功范仲淹劉滬种世衛等專務整緝落漢 保境備架小寇即須專用極邊土人此古今不易之論 道耳若進取深入交鋒两陣猶當雜用禁放至於平日 金万四周台書 熟户亏箭手所以封殖其家砥礪其人者非一 以實廣虚其二曰制邊縣以備敵實元慶歷中趙元昊 也最錯與漢文帝畫備邊策不過二事其一曰徙遠方 反屯兵四十餘萬配刺宣毅保提二十五萬人皆不得 止以壯國威而消敵謀盖所謂先聲後實形格勢禁之 卷三百三十 道落籬

九八日日 八十二 若寇至盖親戚墳墓所在人自為戰敵甚畏之體問得 重罰遇有警急擊鼓集眾項刻可致千人器甲鞍馬常 高下戶出一人又自相推擇家資武藝家所服者為社 屋相望若透漏北敵及本土殭盜不獲其當番人皆有 自澶淵講和以來百姓自相團結為弓箭社不論家業 飲食長找與北敵同私立賞罰嚴於官府分番巡避鋪 頭社副録事謂之頭目帶弓而鋤佩劔而樵出入山坂 既成贼來無所得故元昊稱臣今河朔西路被邊州軍 歷代名臣奏議

ţ

直至北界地名北當山峪内被冉萬射中賊頭徐德冉 户驍勇敢戰緩急可用先朝名臣即定州者如韓琦魔 冉昇及長行冉提等部領社人與盗賊關敵趕起捉殺 多好四 籍旨加意扮循其人以為爪牙耳目之用而籍又增損 保明中奏朝廷並已於班行內安排以此知弓箭社人 提趕上所獲首級并冉昇亦斫到第二賊頭買貴本路 打切為患久不敗獲有北平軍大悲村本社頭目冉萬 **元豐二年北界產賊一火約二十餘人在两界首不住** 月在電 卷三百三十

次定四車全書 一 雖有上件指揮公私相承元不廢罷只是今子箭社两 除两地供輸村分方得依舊置弓箭社其餘並合廢罷 丁以上人户無充保甲以至逐捕本界及化外盜賊並 類並依舊存留外更不編排保甲看詳上件两次聖旨 聖吉應两地供輸人户除元有弓箭社强壯弁義勇之 並行廢罷又至熙寧七年再準正月十九日中書劄子 六年行保甲法準當年十二月四日聖古强肚弓箭社 其約束賞罰奏得仁宗皇帝聖古見今具存昨於照寧 歷代名臣奏議 型四

籍此等寅夜防托顯見亏箭社寶為邊防要用其勢決 **皆驅使弓箭社人户向前用命捉殺見今州縣委實全** 多りロカノニー 手官給良田以倫甲馬今河朔公邊弓箭杜時是人户 名目具存責其實用不逮往日臣竊謂陝西河東弓箭 祖紫田產官無然毫之給而捐軀捏邊器甲鞍馬與陝 不可發但以無充保甲之故召集追呼勞費失業今雖 真定府北寨皆有盗贼驚切人户捕盜官吏拱手相視 西河東無異告樂相遼未盡其用近日霸州文安縣及 卷三百三十

欲之朝廷立法少賜優異明設賞罰以示懲勘今已密 人去記輕復給用魔籍舊奏約束稍加增捐別立條目 無人之境臣已戒的本路将吏申嚴賞罰加意扮循其 面七縣一寨內管自來團結弓箭社五百八十八村六 有弓箭社人户致命盡力則盗賊豈敢輕犯邊寨如入 百五十一火共計三萬一千四百一十一人若朝廷以 切取會到本路極邊定保兩州安肅廣信順安三軍邊 無如之何以驗禁軍弓手皆不得力向使州縣逐處皆

た己り自 hat

歷代名臣奏議

麦

較然可見謹具所乞立法事件畫一如左 為可行立法之後更敕将吏常加扮循使三萬餘人分 多方四月全書 而事皆循舊無所改作敵不疑畏無由生事有利無害 番晝夜巡邏盜邊小窓來即擒獲不至祖快以生戒心 看詳嘉祐四年麗籍已發朝古事件除見可施行 今參詳到下項 弓箭社人户但係久來團結地分並依見今已行 外有當時事體與今來稍有不同須至少有增損 卷三百三十一 欠已日戶日六 敢增损水 無盜賊非時不得勾集 暇委頭目常切提舉問習武藝務令精熟齊整 體例不拘物產高下丁口眾寡並每户選擇強 力或好人材事藝家所推服者方得差補農事餘 每社置長社副社録事各一名為頭目並選有物 之無 初人心不安又縁保甲法雖上户亦止一丁两詞乞且一切仍信若上户添差人数即恐行法丁充亏箭手雖似不均縁行之己处下等人户丁充亏箭手貼黃萬種人户與下等各出一丁 壁代名臣奏議 四十六

内一两村共為一火地里稍遠不開鼓聲去處即 集若尋常社內聲鼓不到者每次罰錢一百如社 月一替專令探報盜賊如探報不實及稽留後時 火急差急脚子勾唤若疆盜入村鼓聲勾喚及到 逐社各置鼓一面如有事故及盜賊並須聲鼓勾 有誤捕捉者並申官乞行嚴斷 每社及百人以上選少壮者三人不淌百人者選 二人不満五十人者選一名充急脚子並輪番一 卷三百三十

金牙四周石書

強盜一名除依條支賞外更乞支錢二十貫如兩 以上錢用社内罰錢充如不足並社衆均備 次以上更免一年無差徭可免者各更支錢十贯 罰錢三貫而各再犯者並送所屬嚴斷如能捉獲 逐社各人置号一張箭三十隻刀一口內單丁及 折充如發竊盜一名除依條支資外更支錢二費 次捉獲依前支賞外仍與免户下一年差徭如三 而不入賊者並罰錢三費如三經罰錢一百一

てこうこう とことう

歷代名臣奏議

四十七

多员四库全書 縣每季給歷一道委本社頭目抄上當巡人姓名 本社監勒依條限捕捉限滿不獲送官量事行造 有不到者罰錢二百如本地分失賊其當処人委 錢二百若全然不置即申送所屬乞行勘斷 罰錢五百亏箭不堪施放器械雖有而不精並罰 逐社每夜輪差一十人於地分內往來巡覷仍本 其所給歷除每季納換及知佐下鄉因便點檢外 貧不及辦者許置槍及捍棒一條內一件不足者 巻三百三十 灾定四年全等 給錢一 私别作支用 社會合行酬賞者方得對眾支給破使即不得求 充社內所納罰錢令社長等同共封記主管須遇 社内遇捉殺賊盗因關致死除依條官給約外更 及鄰近同保之人違者罰錢三百文 弓箭社人户遇出入經宿以上須告報本社頭目 不得非時取索 十貫付其家被傷重者減半並以係省錢 歷代名臣奏說 哭

金グロガノニー 晓夜不住巡邏探伺以此 巡檢縣尉全籍此人為 **亏箭社人户為與疆敵為隣各自守護骨肉墳墓** 械非時不得亂有糾集騷擾 耳目肘臂之用每遇冬教内有本社亏箭人户見 社內遇豐熟年只得春秋二社聚會因便點集器 增損修定 年聖古廢罷後來民間依舊東私施行今參詳 巴上並是麗籍起請已獲朝古事件自寧熙六 卷三百三十

と己の巨人語 **疎欲乞應亏箭人户今後更不充保甲仍免冬教** 箭社一丁以上並差即無己充貼黃保甲法須是主户两丁以 起居不釋马馬出入守望常帶器械其勢無由生 每年冬教本塞與人氣俗相似以戰關為生寢食 彌月諸般費用不少深為患苦臣竊謂保甲人户 村堡空虚即皆生心窥伺公私憂恐又人户勾集 司不敢放心以至化外盜賊既知逐社人户勾上 係保甲人数者即須勾上一 歷代名臣奏議 月教閱其稱捕盜官 保上 方始 P 差充其 党九 不充 亏 亏

多片四月全書 弓箭社人戶既任透漏失賊之責動軟罰錢科罪 罷保正長並却今充本社守關頭目 加優異欲乞應方箭社人户並兒兩稅折變科配 及均出賞錢顯見與其餘人戶苦樂不同理合稍 月村堡空虚以生戎心公私安枕為利不淺其減 而使人户稍免無益之費專心守禦又免教集之 充保甲只是減罷重疊虚名即非幸免照無方礙社人戶者今來所乞本社內人戶更不順無方疑 今已取會到本路州軍所免折科錢物数目比之

炎年四草在書 **亏箭社頭目並是鄉村有物力心膽之人責以齊** 又及三年無上件過犯仍與保明給公據與免本 盗官保明中安撫司給與公據公罪杖以下聽贖 泉保境亦須别加推勸欲乞立定年限每句當及 行無規 六文所獲精銳可用民兵三萬餘人費小利大可 三年如無透漏及私罪情重者委本縣令佐及捕 和買價例每歲剩費錢七千九百九十八貫五十 歷代名臣奏議 辛

弓箭社地分本係人户私下情願自相團結皆是 户差徭內別有功勞者委自安撫司相度如委是 録用 卓然顯效雖未及上件年限亦與比類施行若更 有大段勞績難以常格論賞者即委自本司奏乞 敵不疑所以龐籍奏請並是因信略加約東今來 縁邊之人衆共相約要害防托之處行之已久北 不可更有移易地分及增添團結去處永遠只以

金グロガノニ

卷三百三十一

たこうえ こんう 今來立法整齊弓箭社人戶及免冬教即須委自 程邊可信之人 切應朝廷欲縣収泉戶抱脚供輸其人戶是有些小虛名稅賦自來北有八十九村係兩地供輸人 差充弓箭社户若两處有田產者不得緣此帶兒 別處折變委所属官司常切覺察貼黃弓箭社 眼定差或外來人戶典買到本社田地亦許収入 至張皇事如本地分内人户分烟析生即各據户 今來所管五百八十一村為定所貴事事循舊不 歷代名臣奏議 自來北界差人過來計會本供輸人戶勘會上件人戶元 知並 其 是一心 当 至 内

免员四库全 支用不足欲乞每年破五千贯除上件錢數外其 司為上件激賞之用但人數既多上件錢數微少 州三軍方箭社人戶無充保甲者每年冬教投賞 既免冬教即保甲司却合出備上件錢數與安撫 廷及将師思意緩急易為驅使今取會到轄下两 即須與例物激賞不惟使人戶競勘亦所以致朝 安撫司逐時差官按視內有武藝膽力出眾之人 合用錢一千五百八十二貫七百八十八文今來 老三百三十一

然毫之利有得於官每歲所獲按賞例物不償集教 月之費一旦驅之於戰守死地恐未可保惟方箭社人 守而沉戰乎論者或以保甲之衆緩急可恃臣竊謂保 甲皆齊民也集教止是一月武藝無縁精熟又平時無 陂塘之岭澶淵之後敵自是入寇見今本路只有戰兵 二萬五千九百餘人分屯八州軍若有警急尚不足於 右謹件如前臣竊見西山之下定保之間山開川平無 餘並以本路回易庫見在錢貼支

一大己の日本語

歷代名臣奏議

至

数日線連在前仍畫到地圖一面帖出接連邊面及逐 獲聖肯事件無取會到本路两州三軍弓箭社火人數 及免折科每年和費用錢數年免冬教所省按賞例物 萬餘人真久遠可恃者也今録白到嘉祐四年應籍奏 歲以五千編賞其九異者深致朝廷将即思意則此三 社住坐去處随狀進呈伏望聖慈詳酌施行謹録奏聞 金月四月五十 依臣所乞少有以優異其人既免折科問復贖罪免役 户所處皆必争之地世世相傳結髮與敵戰若朝廷許 卷三百三十一

				伏候勅吉
医气名王奏法				
KHIII				

- ====		 	 	
歷代名臣奏議卷三百三十一				多定四库全書
卷三百三十一			•	巻三百三十一
				1. 1

勞脫戰關之徇天下不勝幸甚然臣聞兵法受降如受 包荒之德與天地同量使西邊之民自此得免餛餉之 、こううし ここう 宋指宗時左司諫蘇賴論西邊警備狀曰臣近奏乞因 欽定四庫全書 夏國遣使入貢婦其侵地竊聞朝廷已降 紹開許伏惟 歷代名臣奏議卷三百三十二 樂邊 程代名臣奏議 眀 楊士奇等 撰

與人交割若未了之間不得令一人一騎先期窺胡仍 處置搬運器甲抽那兵馬凡百了當立定期日然後得 夷悔不可及謂宜明加約束所賜城寨須候逐路即臣 賜城寨定立界至之際乘我無備報肆猖狂則取笑四 虞不可輕弛況朝廷數年以來舉兵攻討深入其地奪 指揮沿邊将吏常加嚴備因夏國新復侵地謹守擔約 其疆土今雖接以恩禮其怨毒之意必未遽忘若因給

|鉄定四庫全書 | 一

敵夷羌獸心見利忘義雖以恩信深加結納而備豫不

卷三百三十二

福也 勢亦不足深憂沉背恩犯順彼由我直雖復羌人亦當 報之心邊臣常作限防以折其内侮之志臣謂數年之 其通和稍有廢弛如此數年朝廷常務懷柔以草其欲 之際招填士馬充實倉厚緩懷熟戶常若冠至不得為 外必無後患縱使背畔而邊計已完士氣已復度其事 アニフシ ここう 知非足使吾民坐而買勇制勝之道始自今日惟願 下深部大臣安不忘危常以戒敕邊吏為心則社稷之 歷代名臣奏議 =

害朝廷用兵費財僅而得之聚兵積果為金湯之固蘭 窺 **嶮遠饋運不便若竭力固守坐困中國羌人得以養勇** 攻討於熙河路增置蘭州於郡延路增置安疆米脂等 轍又論蘭州等地狀曰臣寫見先帝因夏國內亂用兵 事舉而與之猶足以示國恩惠其二曰此地皆西邊要 五寨議者講求利害久而不決其一 何間隙要之久遠不得不棄危而後棄不如方今無 下臨黃河當西戎咽喉之地上多行沃略置堡障可 曰蘭州五寨所在

釕

异四库全書

巻三百三十二

使者復至講和請地必在茲舉雖廟堂議論已得詳熟 兵資盜糧其勢必為後患此二議者臣聞之久矣然以 通行大兵若舉而棄之熙河必有畫閉之警所謂借寇 夏戎背畔雖屢有信使而未循臣職未請侵地則杂守 之議皆非妄言然而朝廷當決從一議從決此議當論 而小臣憂國不能黑己輕容處實其事以為前件幸守 之議朝廷無因自發今間遣使來賀登極歸未出境而 以招募弓箭手為耕戰之備自開拓以來平治徑路告 11:11 2:11 至片名至美美

欽定四庫全書 我必至於争甲兵一起呼吸生變緩急之際何所咨決 覽政篇輯之中舉天下事屬之輔相當此之時安靖則 帝陛下富於春秋諒問不言恭默思道太皇太后陛下 前則棄守之議可一言而決也何謂時之可否方今皇 時之可否理之曲直第之多寡誠使三者得失皆見於 沉陝西河東 两路比遭用兵之厄民力因置瘡疾未復 有餘動則不足利在綏撫不利征伐今若固字不與西 一聞兵事無不狼顏若使外患不解內變必相因而起

壮以曲為老告仁祖之世元吴叛命連年入寇邊臣失 為城池以自封殖雖吾中國之人猶知其為利而不知 孤弱則雖異城之族猶將伏以聽命今題割其土地作 歲於朝廷本無大罪雖梁氏廢放其子而邊鄙外臣本 律敗亡相繼然而四方士民裹糧奔命唯恐在後雖拘 不須治以中國之法先朝必欲弔伐但誅其罪人存立 .).) 其為義也出直之辯不言可見盖古之論兵者以直為 此所謂時可棄而不可守一也何謂理之曲直西戎近 建七名至奏流

崩之聚企足可待何者知曲在朝廷非不得已之兵也 定無土崩之勢何者知曲在元昊而用兵之禍朝廷之 欽定匹庫全書 今若固守候地惜而不與負不直之誘而使關右子弟 失未若康定寶元之多也然而邊人憤怨天下咨嗟土 所不得已也項自出師西討雖一勝一頁而計其所已 骨中野不以為怨兵民競勸邊守卒固而中國徐亦自 而不可守二也何謂等之多寡棄守之議朝廷若舉而 肝腦塗地臣恐邊人自此有怨叛之志此所謂理可棄

蘭州增築堡寨招置土兵且耕且戰西戎懷怨未能忘 瘦有素兵馬有備我人懷惠不復作過此棄之幸者也 守照河危急此守之不幸者也割葉蘭州專守照河倉 堡寨抬置土兵方其未成而西戎不順求助北敵並出 於棄則言其不幸以較利害之實今夫固守瀬州增祭 二者臣皆不復言何者利害不待言而決也若夫固守 為寇屯戊日益飛輓不繼賊兵乗勝師丧國蹙蘭州不 行之其勢必有幸有不幸然臣今所論於守則言其幸

人已可臣 在上方

歷代名臣奏議

廣民力不支則土崩之禍或不可測也棄之雖不幸然 三百餘萬貫矣戰若不止戍兵必倍糧草衣賜随亦增 無有休日照河因此物價頭貴見今守而不戰歲費己 幸者也夫守之雖幸然兵難一交仇怨不解屯兵饋糧 境備完廢壘復置烽候人力既勞費亦不小此棄之不 據蘭州之堅城道照河之夷路我師不利復以秦鳳為 民不得休息此守之幸者也割棄簡州專守照河西戎 争時出虜略勝負相半耕者不安飽運難繼耗露中國

金牙匹屋石書

卷三百三十二

萬一不然而使中國之士知朝廷棄已得之地含垢為 深厚無以激怒其民臣料一二年間其勢必未能舉動 勞而無腹心之患與平日無異也夫以守之幸較棄之 6/K.)] ... / 1 .d. / 市彼稍有人心能不愧耻縱使菌豪內懷不順而國恩 轉輸所至如桃席之上比之熙關難易十倍有守邊之 廷以天地之量故其罪惡歸其侵地復其歲賜通其和 不幸利害如此而況守未必幸而棄未必不幸乎且朝 所棄本界外無用之城泰鳳之間兵民習熟近而易守 聖七公五天大美

待敵之至废幾可以無後患也臣自聞西使復來謹采 急救應之備明敕將佐繕修守備寇至先為不可勝以 計棄此然後慎擇名將以守熙河厚養屬國多置弓箭 泉議以三事參較利害及覆詳究理無可疑是以輔獻 其入寇之道於秦鳳以來多置番休之兵以為熙河緩 手於熙懶往還要路為一大城度可屯二三千人以塞 以守則固天地且循順之而況於人乎故臣願朝廷決 民西戎背恩彼曲我直人懷此心勇氣自倍以攻則取

多克匹库全書

卷三百三十

狂言惟陛下裁擇幸甚 貼黃臣竊見二聖臨御除去煩苛天下之民想見太 平之風今西戎已有向化之漸若朝廷斯惜蘭州

危為念勿争尺寸之利以失大計則社殺之幸也 等處堅守不與激令指畔使邊兵不解百貴復興 痛惜伏乞陛下與二三大臣詳議其事以天下安 則自前奇政皆將復用太平之期不可復望深可

臣竊聞議者或謂若棄簡州則照河必不可守則 歷代名臣奏議

次包日日上日

備則西我豈敢輕為此計臣謂此就亦空言而已 兵貼之以弓箭手又於照蘭要路控以堅城臣恐 道之虞自非泰鳳階成等處蕩然無城池兵馬之 西戎未易窺何而西蕃之馬何遽不至乎至於對 願為西戎所有若即臣能以恩信給之統之以成 西蕃之馬無由復至而夏戎少為對道之梗臣謂 也臣聞照河屬國强族甚多朝廷養之極厚必不 此皆劫持朝廷欲必守顧州之說而非國之至計 卷三百三十二

多岁世月石章

而歸之理無不可不得以河東地界為比也 得之有費無益先帝討其罪而取之陛下赦其罪 而與人非臣子之義至於賴州等處本西戎舊地 主其議者臣謂蘭州等處與河東地界不可同日 罷相故今朝廷議欲以蘭州等處復與西戎無敢 七百里之地以界之近者臺諫以此刻鎮鎮由此 臣又聞說者謂韓鎮告與北朝商量河東地界學 而語河東地界國之要地祖宗相傳誰敢失墜舉

とこうう という

歷代名臣奏議

得勢窮始來請命今若又不許遣其來使徒手而歸 此議發自朝廷得以為重朝廷深覺其意忍而不與情 今西使已到竊聞執政大臣蛮守之論尚未堅定臣竊 使入界恐必有講和請地之議乞因此時舉蘭州及安 不自言度其狡心盖知朝廷厭兵是以確然不請欲使 疆米脂等五寨地葉而與之安邊息民為社稷之計見 轍再論蘭州等地狀曰臣近於六月二十八日奏以西 見皇帝陛下登極以來夏國雖屢遣使而疆場之事初

多近四库全書

卷三百三十二

六年夏國遣使請罪先帝嘉其恭順為較邊吏禁止侵 前去遂以兵取蘭州先帝始議取横山帥臣沈括种諤 本非先帝聖意先帝始議取靈武內臣李憲畏懦不敢 たいりん シュー 髮正在此時不可失也臣又聞昔日取蘭州及五寨地 兵而與不復為恩不許則邊釁一開禍難無已問不容 不職意欲邀功免罪而先帝之意本則不然其後元豐 之徒不能題奉聖略遂以兵取五寨此二者皆由將吏 歷七名臣奏流

失此機必為後悔彼若點集兵馬屯聚境上許之則畏

之利也臣又聞議者或謂棄守皆不免用兵棄則用兵 之名不度民力不為國計其意止欲私已自便非社稷 命遗意今議者不深究本末妄立堅守之議的避棄地 由此言之懶州五寨取之則非先帝本意葉之則出先 之恐非得計臣聞聖人應變之機正在遲速之際但使 必遲守則用兵必速遲速之間利害不遠若遂以地與 宥州議立疆界因循未定而先帝奄棄萬國遂以至今 掠既又遣使謝恩請復疆土先帝仍為指揮保安軍與

釤定匹庫全書

巻三百三十二

事變稍緩則吾得第已多音漢文景之世吳王濞内懷 縣以為削之亦及不削亦及削之則及疾而徇小不削 清終不能發及景帝用鼂錯之謀欲因其有罪削其郡 較福福之輕重則文帝隱忍不決近於柔仁景帝剛斷 之兵遣三十六將僅而破之議者若不究利害之淺深 則反遲而禍大削書一下七國盡及至使景帝發天下 而不問加賜几杖思禮日除濞雖包藏禍心而仁澤浸 不執稱病不朝積財養士謀亂天下文帝專務含養置 建七分五天 <u>}</u>

必行近於強毅然而如文帝之計禍發既運可以徐為 妙年母后聽斷将即吏士思情未接兵交之日誰使效 者理由而禍速曲直遲速熟為利害况今日之事主上 謀與景帝類臣乞宣諭執政欲棄者理直而禍緩欲守 錯之肉何益於事今者欲棄之策與文帝同而欲守之 交兵鋒刃既接勝百難保社稷之命決於一日雖食鼂 干濞亦何能為如景帝之計禍發既速未及旋踵已至 備禦稍經歲月變故自生則以漸制之勢無不可雖有

欽定匹庫全書

卷三百三十二

にこううとは 功賞今育雖已去而誼朴猶在新除即臣葉康直又復 别具論奏臣竊復思念熙河邊墨本由誰朴狂妄親幸 育與其将更种誼种朴等妄與邊事東侵夏國西挑青 賴為御史中必論照河邊事疏曰臣近以照河即臣范 唐二難並起釁故莫測乞行責降至今未蒙施行臣己 守之議皆不得其便則天下幸甚 聖慈以此及覆深慮早賜裁斷無使西戎別致猖狂棄 命若其羽書沓至勝頁紛然臨機決斷誰任其責惟乞 歷代名臣奏議

質派勝如以侵夏國良田遂言若無質派勝如蘭州亦 蘭州熙河決不可守自取蘭州又己十餘年今日欲祭 本無關州初不為患及李憲違命創築此城因言若無 若不妄說事端無以邀求爵賞此則邊人之常態而自 多员四月全書 不可守展轉生事類皆浮言盖以邊防無事将更安閒 自不一臣請詳陳本末而陛下察之告先帝始開熙河 不並行移降則熈河之患猝未可知加以朝廷論議亦 人才凡下以臣度之必不免觀望朝廷為誰朴所使若 Į. 巻三百三十二

決不可城者由此故也告先帝終御西蕃棟截老而無 臣恐二寨所得地利殊未足以償此臣所謂質孤勝如 順外備朝貢以収賜予之利內實作過以収鹵獲之功 朝廷不究其實而輕用其言以隳大信夏國若因此不 幾何所也兵甲多少夏人若以重兵掩襲其勢少難保 子趙醇忠其族子也先帝當遣苗履多持金幣以醇忠 全既克二城乗勝以擊蘭州則蘭州之危何異昔日今 古之通患也今若試加詰問理則自窮何者二聚廣狹

7

臣七二五天美

忠則不世之功庶幾可立而一時大臣不知出此處以 時之機會也是時朝廷若因機投隊遣將出兵擁納醇 國董趙之臣如思章温溪心等皆有不服之志此實一 **銀定匹庫全書** 顯肯畔之迹而有等欲於此時復舉前策盖已球矣音 部臣主之勢由此而堅然自是以來頗亦外脩臣節未 旄鉞 罷終篡奪之臣使得假中國爵命之重以後屬蕃 阿里骨所殺阿里骨本董禮之家奴先亂其家次取其 見之是時聖意蓋有在矣事既不遂而董禮昏病遂為

帝所薄今誼朴為人與諤無異誼於項歲偶以勁兵掩 矣臣聞种諤昔在先朝以輕脫詐誕多敗少成常為先 欠己りま ハニー 年之後追行前計亦足以見其暗於事機而不達兵勢 未可擊也夫機會一失七日之間遂不可為今乃於數 破脫劉備得蜀日淺蜀人未恃也誠因其傾而壓之蜀 曹公既克張魯劉曄言於公曰公既舉漢中蜀人望風 公不從居七日聞蜀中震動公以問曄曄曰今已小定 可傳檄而定若小緩之蜀人既定據儉守要不可犯矣 歷代名臣奏議

有艾也借使阿里骨因此怨叛結連夏人同病共邱更 曲加保全其意安在岩不並行責降臣恐朝廷之憂未 為畔必被屠戮之苦據此事情罪名不輕臣不晓朝廷 以千計納之則本無朝古未有安坐之處却之則於彼 出境必有不可知之憂矣無聞近日擅拍青唐務部數 勢育自到任屢陳此計咫尺舊界誰則不知臣謂兵果 多分四月在書 出盗邊羽書交馳紛紅奔決當此之時大臣相顏不敢 獲以此自員而西蕃懲於無備久作限防亦無可乗之 卷三百三十二

觀葉康直之為人深恐未足倚仗何者康直項縁權貴 敢妄作此當今所宜速行者也然尚謂照河遭此破壞 此二事皆國家安危邊民性命所係禍機之發間不旋 肉復何益乎臣所謂阿里骨決不可取者由此故也凡 狂謀本非聖意易以招懷內則使邊臣知賞罰尚存不 踵故臣願陛下叠發英斷點此三人外則使異域知此 任責而使明君聖母憂勞於帷幄之中雖食主議者之 此相疑却欲招納令就平帖非得良帥未易可也臣 Ĭ 正七百至長表 **H**

銀定四库全書 陛下西顧之憂未可弭也要須徙置它路更命熟事老 亦廼去既無将的靖重之略而當熙河搖動之時臣恐 康直恐懼不敢興功妄以地凍請於朝廷後既不成虜 年冬無故侵修甘谷城致令夏國大兵壓境兵役已與 利之意如此而邊患庶幾小息矣 将以領熈河仍特賜戒敕使知朝廷懷柔遠人不求小 所薦節制春鳳春鳳邊面至腰號為無事而康直於前 貼黃葉康直項嚴差知秦州中書舍人曾肇諫議大 卷三百三十二

- Clary - Catalon 1 付之此人中外知其不可也种朴皆因永洛覆師 營救得免按其為人如此今熙 河方及侧未安而 奏妄自保明勞效仍邀取諸将賂遺弁奏其功先 之後父謂權領延安之日與其親戚徐熟矯為謂 奏有違的軟先帝欲深真於法康直素事李憲憲 然及今兒男掘取客嚴解到貨賣及建言欲由淫 夫鮮于佐皆言康直昨因兵與調發芻糧一路驗 原路入界和雇車垂人夫為知永興軍吕大防所 歷代名臣奏儀 五五

備雖蒙聖古罷有户部而使還領照河其於邊事一旨 銀定四庫全書 种朴本路差遣更擇照河帥臣使之懷柔異類謹修邊 方召還為戸部侍郎賞罰倒置乞行責降仍乞罷种誼 轍又論思河邊事疏曰臣近論奏范育以指置邊事車 如故臣方以為憂旋聞質孤勝如二寨近日已為夏人 責臣恐熈河終未寧靖也 停替諤因此憂悉發病至死狂妄如此若不加貶 帝覺其姦詐欲加極典既而釋之並特降官落職 老三百三十二

竊謂夏國所遣坤成使臣適至京師而國中遂敢舉兵 占之害計其所得不補於亡不待臣言事已可驗然臣 意欲侵奪良田収耕獲之利以守蘭州而不顏夏國争 無異今欲復行修築生事致寇理在不疑而熙河諸将 言未絕口而夏國人兵既已破城而歸矣臣謹按二案 出兵平為臣本儒生不習軍旅妄以人情揆度以為熙 雖告當與置至元豐五年並已廢罷與婁約羅等城 河創見於非守把之地修築城寨理既不直必生邊患 ・ノ・ブ・シ・ノ・ノ・ 歷代名至奏義

裁定匹庫全書 **德格議計劉稹同列有異議者德格請曰有如不利臣** 忠謀已宣露為阿里好所怨二難交至可無處乎首李 事端以盖前失關陝之憂未可知也況有等欲納趙醇 與誼补猶在本路觀其輕敵無謀貪功希賞必更妄起 路至如聚粮添屯之類亦必随事應副以備不虞今育 攻城略無所忌者意謂築城之後由在熈河雖朝廷之 所侮可勝歎哉如臣思見謂宜速擇良的俾往綏靖 重亦必不敢無名前留其使故也邊計一失遂為敵人 卷三百三十二

紀庶幾尚在也 之若能如此即用其計事定之日按行賞罰則朝廷綱 有欲專任有等不顧邊患者臣願陛下以德裕之請要 ノン リシー こいー 貼黃臣竊見朝廷久不明辨是非必行賞罰故羣臣 計功卒不成而議者仍舊在職略無責問臣下習 輕易造事去年議四黄河所費兵夫物料不可勝 見朝廷刑政如此故敢輕造邊嚴臣乞陛下以河 歷代名臣奏流 +

請以死塞責今中外皆謂守信固盟中國之利若大臣

皆察其故否臣初論育措置邊事失當不合遷户部侍 轍又論照河邊事疏曰臣論范育种誼等不可留在照 聽政於帷幄之中皇帝陛下有徳於恭熙之後欲以仁 即朝廷既追寝成命臣亦粗可以塞言責矣育知熙州 河章三上矣而朝廷不從臣亦言之不已不審陛下亦 也而臣再三干演聖聽誠有說也方今太皇太后陛下 知蘭州皆非今日之命臣雖不言於臣職事非有害 事為戒與大臣熟議必令任責不解然後舉事 巻三百三十二

銀定匹库全書

臣所以寒心者一也元祐以來朝廷懷柔夏人如恐不 作為而大臣欲聽有等狂謀以與邊事使及人由此失 覆天下則有餘欲以武服四夷則不足利在安靖不利 戎馬即至而二城不守矣今若不問枉直所在與忿恚 里之外修築已廢舊寨奪其必争膏腴之地板築未移 為界彼既所然聽從而照河幸甚其聽從之間於四十 及地界之議将成而絕者屢矣項者朝命許以二十里 和兵難不解當此之時欲相率持羽檄決計於篇前此 こうえいい 歷代名臣奏議 大 「

之師為必取之計則關陕兵禍漸不可知若自知不直 遣及育作待制差緩數年而已於其私計無多損也臣 則有等稍慣耻功不遂妄造事端以盖前失患終不弭 愚以謂方論國事宜且先公後私以全大計不勝區區 屢以為言哉然臣所言於育等三人亦止是各移降差 所以寒心者二也非此二事憂患迫切育等瑣瑣臣方 **況復育等既結阿里庫之怨二隊交通勢充可虞此臣** 雖不復爭而留育等守之一則夏國懷疑終不信向二 老三百三十二

多好匹庫全書

默而不言竊恐里明尚有未賜再三煩瀆罪合萬死臣 息恐失其心夏人恭順朝貢以時則多方徵求的欲自 竊觀朝廷前後指揮方夏人猖狂冠鈔未已則務行站 臣前所論止言見今措置之非未及已往根本之失若 處置邊事垂方乞移范育种誼差遣至今未蒙施行然 轍又論前後處置夏國垂方疏曰臣前後四次論照河 利以此凡所與奪多失其宜何者元祐三年朝廷遣使 まとっては大大

孤忠憂國再三干瀆天聽甘俟斧鉞

凡此三事皆夏人奏請之所不及而朝廷迎以與之者 三省客院意肯開喻來使及言所納永洛陷沒人口既 改易前站不候分畫地界先以歲賜予之仍今移行 涇原朝廷方務遵養不復誅討於四年始復遣使奏乞 往賜冊命而夏人公然桀傲不遣謝使再遣兵馬踩踐 雖有自來遠近體例或山斜不等不許邊臣固執爭占 經隔歲月或與元數不同並許據數交割及於立界至 以所賜四寨易塞門蘭州朝廷雖不聽其所乞然即為 卷三百三十二

欽定匹庫全書

令一布無由復反至今夏人執以為據此則臣所謂朝 界十里之間量築堡鋪十里之外並為荒間近黄河者 今所畫界首起鄜延經涉環慶涇原熈河四路朝廷更 仍以河為界朝廷一一聽之臣寫見先朝分畫綏州之 廷方夏人猖狂冠鈔木已則務行姑息恐失其心者也 日界至遠近責令帥臣相度保明往及審實乃從其說 也及鄜延路乞依夏人所請用綏州舊例以二十里為 不委逐路審覆即以鄜延一路所見便利指喻夏人號 生サハ豆豆大 F

與夏人商議各從逐路之便不可以二十里一縣許之 所得租課歲入幾何二說相違理難遙度要須以此先 地軟為夏人所殺若言已有耕者則弓箭手必有名籍 邊臣雖為此說然議者或謂關州每遣方箭手耕種此 地遠者七八十里近者三四十里不可以一十里為界 必不敢依唯於言定西通西通渭等城外弓箭手耕種 謂過河守把勢已艱難侵占蕃地理尤不可仰料朝旨 欽定匹庫全書 至於照開所請欲以懶州黃河之北二十里為界臣寫

管勾二寨弓箭手道路巡檢使臣為守把臣謂尚以此 守把朝廷從而助之以九域圖志為差誤以吏部見差 載九域圖志見今無使臣兵馬住坐而妄謂夏人傷係 請之外修勝如質孤二寨二寨既於元豐五年廢罷具 遂生属階而熙河帥臣與其将佐迺敢不候朝古於元 朝廷既失先事籌量及號令已行乃欲追悔先後皆失 恐未可也此則臣所謂朝廷方夏人恭順朝貢以時則 誑惑中朝士人可耳若欲以此塞夏人之口而伏其心 こうういい 歷七名至奏谈 Ē

謬以千里者也然則地界之事要必相持不決遇有朝 上界至亦無以取必於夏國蓋朝廷歲賜大利既於無 多方徵求的欲自利者也然臣竊妄料朝廷之意勝如 貢使介復來秋冬之交賊馬肥健時出冠掠受侮敵人 事之時空以與人及此緩急無以為重所謂差之毫釐 **質孤二寨必難議再修定西通西通渭三寨一十里以** 别擇名将謹守大信且修邊備本路疆界之議實非見 何時己耶如臣愚見欲檢會前奏移降育誼置之佗路

多定匹库全書

卷三百三十二

路務行之流往彼相度朝廷大計豈可取決行等之口 當則獨留有誰為失政矣政令如此終安適從徒遣孫 熙河至如种朴本與育誼共造邊隊今題移朴涇原獨 長久計條列聞奏然後朝廷擇而行之則照河尚可得 今守把者可推以與之以信前約其伦則令推公心具 名帥臣寡之户部及臣言費罰失當則急復遣育**還**帥 而安也今臣觀朝廷初無定議方照河邊數之作也急 留育誼若以召育為是則今遣之為非矣若以移朴為 正ちりる至長

Ē

所懷以派任使然觸犯者聚死有餘責 如此即用其計事定之後案行赏罰今臣言已竭勢不 任有等不顧邊患者臣願陛下以德裕之請要之若能 塞責今中外皆謂守信固盟中國之利若大臣有欲專 討劉稹同列有異議者德裕請曰有如不利臣請以死 萬一敗事雖戮行等何補於國臣前上言唐李徳裕議 能回不審陛下當以臣前說要之否邊事至重安危未 可知惟陛下留神而已臣以孤忠誤蒙拔擢不敢不盡

欽定匹庫全書

歸巢穴朝廷方事安衆難於用武接以君臣之禮加以 始有桀心出兵數萬掩襲涇原殺属弓箭手數千人復 冊命之思特遣使人厚賜金幣戎羌獸心敢為侮慢軟 即伏從使介相尋臣禮甚至只自今年春末夏初以來 以地界為詞不復入謝至於坤成賀使亦遂不遣中外 相敵疑阻日深入冠之謀自此衰息朝廷略加招納随 禍人心離貳梁氏與人多二族分據東西廂兵馬勢力 轍為户部侍郎論西事状日臣伏見西夏項自東常之

大王司軍上告号 一

歷代名臣奏議

主

勢亦無能為也棟戳本與西夏世為仇儲元吴之亂仁 職感激思報宜異常人是以目味歐言不避罪庆庶幾 宗赖其牽制梁氏之篡神宗籍其征討世効忠力非諸 之所在定制敵之長等誠使四者畢陳於前羌戎小醜 以為少先知致冠之端由審行事之得失然後料敢情 聖意由此感悟雖被禮逐臣不恨也臣竊惟當今之務 義不解勞况臣握自小官列於禁近議論幾事既其本 臣子聞者莫不憤忽思食其內臣恭備侍從主憂臣辱 金月四屋石量 卷三百三十二

阿里庫既知失衆虐用威刑衆心日離而果在自謂與 察情偽不原逆順即以節鉞付之謀之不瘕患自此起 皆心懷不服阿里庫欺罔朝廷自稱棟戰嗣子朝廷不 契丹公主殺其二妻森摩氏其大将果莊及温希沁等 蕃之比過者棟武老病其相阿里庫擅其國事與其妻 冠復誘劑人多保忠令於涇原竊發黨與既立羽翼既 折卸下之先與阿里庫解仇結惟令轉就果莊舉兵入 阿里庫比肩一體顏居其下心常不悅夏人乗此間除 とこうなところ 歷代名臣奏議

亦以自安項者忽命熙河點集人馬大城西關仍云來 能動搖加以數年以來朝廷本厭兵事羌中測知此意 以為不可則分棟戰之舊秋以三使額投此三人阿里 當立若泉以阿里庫為可立則既立之後泉必無詞若 來告立嗣朝廷因其所請過問果在温希心等以能質 成是以敢肆在言以動朝聽向若阿里庫以棟武之死 年當築愈各聲實既暴虜心不寧舉兵自強豐亦由此 庫無僥倖之命果莊無怨望之意則夏人無與為接安

多好四库全書

3

巻三百三十二

之禮彼既與我有若臣之分然後可責以忠順之節朝 欠己り日本はかう 臨御之初意切懷納是以連年入貢以休息其民雖有 恭順之言盖亦非其本意矣假令犯順固猶有詞今朝 報之心未當一日忘也徒以喪亂相繼兵力彫殘陛下 誅討侵攘地界為怨至深羌人之性重於復讎計其思 廷因其承襲之後賜之册命指金錢二十餘萬編以為 此所謂致寇之端由也先帝告因梁氏篡逆之禍舉兵 此舉於義甚長而羌人無謀遂肆桀傲内则其國中 歷代名臣奏議 主五

力微終以困斃今梁氏專國素與人多不協內自 祚天付兇狂 計此所謂行事之得失也元昊本懷大志長於用兵亮 以立功由直之機於此始定雖棄捐金幣以封殖冤雠 士民自知不直必不為用外則中國兵将皆有關志易 而欲外侮中原料其姦謀盖非元昊亮祚之比矣意謂 二里在位恭默守成仁澤之深遠近所悉既無用武之 (謂之失策而分別曲直以激勵将士智者謂之得 輕用其眾項為邊患皆歷歲年然而國小 多難

金月ゼル

人は

卷三百

既達則地界可得無窮之請因以滋彰其一以為雖不 益兵練将則羌人之心己垂本計不過秋冬寒涼之後 少從以為狂言一聞求無不得今朝廷既己漸為邊備 敵必先正名夏人初起邪謀必有二說其一以為慢詞 失則款塞請盟本無愧恥若朝廷用心不一惟務求和 則請求百端漸不可忍此所謂敵情之所在也凡欲應 意可肆無厭之求願會諸城郡延五寨好請不獲勢齊 跳梁以當試朝廷而已若朝廷執意不搖守邊無

ていうう こよう

Į

歷代名臣奏議

ニナナ

恭順使中國追勉而聽今朝廷遣兵積栗地界之請固 許方其不遜則張皇事勢夸示諸戎及其柔伏則略為 多次四月全書 齊人而秦人自至區區之趙尚知出此而況堂堂中國 其謀臣虞卿以為從趙為購莫若從秦為購於是東結 臣禮便與講和要約不堅少難持久告趙欲與秦為購 已不從而號令未明逆順未著臣恐夏人未知朝廷不 得地實亦無損猖狂力屈稍復求和中國厭兵勢無不 用兵之意無以折其姦心又恐将來姦窮力屈略脩 卷三百三十二

横山一带旨棄不敢耕窮守沙漠衣食併竭老少窮餓 通和市復許入貢使者一至賜子不貲販易而歸獲利 遂勅諸道帥臣禁止侵掠自是近塞之田始復耕墾既 中最困一絠之直至十餘千又命公邊将吏迭行攻討 哉臣願陛下明降的書榜公邊諸郡其大意略曰夏國 畏避畜縮偷於無事不一分别曲直而反聽命於羌人 項自見称丧亡先帝舉兵吊伐既絕歲賜復禁和市羌 不能自存朕統御四海均覆無外憫此一方窮而無告) . I . . 起七二五天美

德不遣謝使不賀坤成朕以君道拊之而不以臣禮報 造使出疆授以禮命金錢幣帛相屬於道邊人父老親 欲脩祖宗爵命諸侯之典以為寧人負我斷而不疑故 覆心未可知使者将行言猶未已朕有存亡繼絕之志 孤童幼弱部族攜貳若非本朝賜之策命假以寵靈則 一銀定四庫全書 者太息以為仁義之厚古所未有而敢心巨測飽而計 何以威伏首豪保有疆土是時朝士大夫成謂卷性及 無等傳聞羌中得此厚利父子兄弟始有生理朕猶念 巻三百三十二

敢有犯塞即殺無赦彼既肯逆天理不有人禍必有思 朝廷日夕備邊常若冠至而但曲加隱忍不降此命 我直人思致死勇氣一發邊聲自信此必然之勢也今 誅姑脩吾疆以待其變臣料此命一出羌人愧畏雖未 順之理不可不明其令公邊諸将的勵兵馬廣為儲時 國人何辜當被殺戮是以弭兵安衆未議攻討然而造 朕天地所疾将相咸怒朕惟狂謀逆節止其一二姦 こうし しん 即款伏而姦計沮屈無以號令其下諸路兵民知彼曲 V 歷代名臣奏議 王 臣

敵 難而自屈求和之請其至必速此所謂制敵之長等也 兵坐而待敵初無有異而使士氣感奮以思戰敢情知 所謂上兵伐謀不戰而屈人者陛下若能饒之以金錢 河帥臣招來阿里庫果莊温希沁人多保忠等此兵法 臣竊聞朝廷近已添屯兵将增廣邊儲議絕和市使熙 而霓其絕墨使将的得盡其心間課得盡其力則事無 不成而敵 漸可制矣然有一事似非臣所得言者但以 旦犯境終亦不免交鋒若聽臣此言要之亦不出

|弱灾四库全書

卷三百三十二

奏授以節制致令果在懷情入冠夏人無豐違命此則 以明示天下臣前所言去歲大臣永用阿里庫欺罔之 風平居無事姑以偷安可耳今敵不順勝員之變盖未 事無不舉頃者朝廷削去奇法施行仁政可謂善矣然 蒙國厚恩不敢不盡告熙寧元豐之間所行政令雖未 可知緩急之際威令無素何以使衆臣謂宜因事正法 而刑政不明多行姑息中外觀望靡然有縱弛怠惰之 必便民然先帝操之以法濟之以威是以令無不從而

改定四重全書!

歷代名臣奏議

芜

等以右将軍領事盖大臣體國不惜身自降點為聚行 湯火臣有以知其不能矣昔公孫弘為相諸侯有逆謀 大於此中外相視以為疑怪朝廷方将使人蹈白刃赴 畏朝廷之罪也陛下恬不為怪界無責問政之不脩孰 今累月而殺傷焚荡之奏至今未至此則将師她慢不 至者數萬殺略數千斤候不明備禦不及熙河賊退經 上侯印以塞責諸葛亮為相任馬謖不當請自贬三

當時军相極客使副尚簡無謀之罪也近者涇原賊馬

卷三百三十二

うりゅ

ji

1:1:1:1

時雖不用而仲淹之言至今惜之臣雖不敏究觀往事 臣聞范仲淹守慶州因葛懷敏之敗請以任将非人因 怪也今陛下未能正犀臣而望西羌之畏威不可得矣 兩府逃謝損其熟爵而復其位以激勵諸将感慰邊兵 備於朝廷之上而敵恐懼於千里之外勢之所至不足 位在位皆奪一官至於兩路将帥雖寄任不改而法不 法今陛下何不取去歲冊命阿里庫與議大臣不論去 可廢皆使随罪行罰以此號令四方無幾知所畏憚

とこうえこから

歷代名臣奏議

Ŧ

脊命輔臣條陳禦戎之策因謂宰相李流等曰今已屯 尋上對以謂屯兵漕河二事相須闕一不可蓋天下無 田河道多為帥臣所沮臣伏蒙聖問屯兵漕河就長臣 大兵敵未有際聚兵廣費民力何以充給自來建議管 經筵進讀三朝寶訓至咸平六年契丹南牧真宗皇帝 侍讀蘇頌論屯兵漕河大要疏曰臣今月初九日入侍 避惟陛下裁察 銀灰四月全書 以為可施於今不敢點已小臣在僭斧鉞之誅無所逃 _ 老三百三十二 行是後雖與契丹講和然而運河管田終亦不廢至今 成盖人人互執所見參驗而行實為至便欲望聖斷決 費百倍是漕河不可闕也方契丹連歲繹驗邊城謹備 儲糧縣軍之議盖為息民止戈之漸而帥臣不能遠謀 真宗以露師累歲思長久控扼之術故語及營田設險 但於甲馬雄盛及以設險為示弱故李流又陳功之難 事兵雖不用而邊防武備在平成守則屯兵不可關也 既有戍守必資糧的積儲糧的須由運漕運漕小阻其

放定四户全書 N

歷代名臣奏議

退而伏思聖問淵與皆經國裕民之先務臣前對疎淺 公邊以為大利又國家禁旅大兵多駐江河州縣皆取 負りせみ ベニュ 運漕之便也臣故曰屯兵漕河二事相須闕一不可臣 卷三百三十

伐 猴 稅城 朔方而 猴 稅 于 處宣王命召公平淮夷至江

要滿之限祭祀事貢之令盖異遠近而别夷夏也遠人

不甚周悉軟復務考書傳所載前世已行之事進言其

一二仰備聖覽臣聞古者内諸夏而外四獨故有匈侯

不服則候伯之國得以文告而懲艾之故文王命南仲

免己可重 1.11 ■ 聖代名臣是美東起貨船直端及我那負海之郡轉輸北河率三十種 漁陽掠其人畜而去此失備虞之所致也自爾以來中 漢而淮夷來獻此攻伐征討之備素具故也泰并諸侯 歲月相垂由是轉漕運糧之策與馬秦使天下機易較 國卒無成功此無外禦之所致也韓安國将兵屯漁陽 天下混一而朔方未服始皇使蒙恬将兵攻取疲敝中 國未皆無邊降之追都縣未皆無戊守之役千金之貨 上言方個作時請且罷屯罷屯月餘而匈奴大入上谷

守滎陽軍無見糧蕭何轉漕關中以給食糧道不絕遂 多片四月全書 並行大貨既省徭後豫息以戒不虞唐姜師度守易州 興漢作此運漕有策與無策之相去萬萬也超充國擊 而致一石山前 先零請罷騎兵以步兵萬人留屯要害因田致穀威德 故迹傍海穿溝號平敵渠以避海道運糧者至今賴之 始於蓟門之北漲水為溝以隅奚契丹之冦又約魏武 此皆屯兵漕河前代之明驗也臣聞帝王之都必據形 用百九十二解乃得 四斗為鍾計道路所費儿 一石至 卒因民力漢

- Jan Daniel Andrew 山川今國家都汴實據平處之地所以為形勢者禁放 紫神宗顧問汴渠興置利害方平奏曰古者建國必依 候倫也臣項在先朝竊聞今太子太保致仕張方平當 塘際管屯之固鎮壓夷夏瑜於金湯非三代漢唐之可 **始萬世之長策今京師有汴蔡廣濟轉輸之饒江邊有** 汴渠運漕之利遂東還京師此質里斷唇誤因時適變 當受洛陽山川之勝始有建都之意用軍校李懷忠陳 勢故三代居河洛之間漢店宅成洛之壤我太祖皇帝 歷代名臣奏該 手二

臣 以時開塞班軟輕議天下幸甚神宗深以為然審此言 桀驁恃遠負險中國弱則先叛彊則後服專以恩養則 之治天下其待中國與四夷其道固與何則夷秋天性 元祐五年六月殿中侍御史上官均論弃地非便既曰 聖政之萬一 亦可見屯兵漕河之大要也臣遇僭易開陳庶幾上神 也資禁放者梁帛也所以富栗帛者注渠也望戒有司 切聞春秋傳曰德以柔中國刑以威四處是知先王

多英四月全書

77

卷三百三十二

懷服之意遣使請地邀求無已題知非思之不至待之 倔强難制其勢使然也臣切觀自陛下臨御以來懲前 ていりうとは「一人 驕怨則懷必死之心驕則有無厭之求告先王之御遠 務以息兵養民為事德意可謂至渥矣然自朝廷納西 日邊臣拓地邀賞之弊而大臣采宋璟不賞邊功之說 不勒其弊在於姑息之太遇耳臣聞威過則怨思過則 夏貢使復與歲賜恩禮不為不厚而戎人驕恣傲然無 知威之不可獨立故假惠以濟威知惠之不可獨行 胜代名臣奏議 三屯

易服也又遺以土地以驕其氣乎臣聞兵以誅騎暴騎 命令漢晁錯明於邊事皆曰來而能因使得氣去後未 成日削適足增其强悍之氣終不使之屈懾柔服以聽 大臣為陛下計将與之子将拒之子與之則地日處而 故須威以行息然後遠人且懷且畏無怨望輕侮之心 多员四库全書 暴去則無所用兵政以治事事息則無所用政騎暴未 逐并公邊四寨以塞其請而我心無厭邀請益甚不知 今羌属之情驕傲已見大臣務以息兵省事為意前日 卷三百三十二

七國之徇居聚兵以成藩鎮之强此前事已然之驗也 去而遞寢兵事未治而欲無事是為畏事苟安之計其 參伍務考當得其實則羌人萬里之情可以坐見矣臣 驗今羌處之情宜不相遠故臣敢為陛下及覆陳之臣 自塞像守官罷歸京師者訪聞非一皆如臣言又以古 極必至於用兵多事勞弊內外而後已音漢因循以成 欠已可能企事 一 願陛下韶敢大臣虛懷訪問塞上罷官與知邊事之臣 異域之情臣雖不知邊鄙之事臣雖未當習然士大夫 歷代名臣奏議 主

幾何不可以不預計矣夫犯强敵冒白刃士卒不顏死 開練兵選将積果三者架邊之急務厚賞重禄勘士之 像以詳守禦得失之實儲蓄卒伍之數明誠邊吏以朝 諭大臣簡略細務留意安邊大計却先戎無厭之求講 者利厚賞也前日薄首級之賞務以息邀功之士而不 要術朝廷常敕邊郡為五年之蓄不知今日之積其數 終兵選将積栗厚賞之術遣知邊事可信之臣按察塞 知非厚賞不足以使眾此不可以不講也伏願陛下語

金为四月百十

卷三百三十二

費吾財張大天威赫然示異域不可侵犯之意則士氣 擊前後以挫之退不得畏縮以驕其氣進不得與兵以 夫先患而謀則有餘後事而計則無及此天下大計惟 **欠天习巨上自** 陛下留神蚤加詳擇 日奮我心日消四夷無侵陵之患中國有泰山之安矣 廷之意羌屬柔服則治兵積栗以備之禁熱侵軼則邀 貼黃臣切聞西夏見今所多:蘭州塞地皆控扼戎馬 要路若苟容目前無事全不計校輕以付與中人 歷代名臣奏談 美

金为世居石言 情騙則愈横今以旁塞要地付與徒自去其潘杆 益適足為患為今之計不若治兵積穀選将厚賞 害非細臣切意大臣之計務欲安静無事故曲從 之議深恐戎人掛虛長驅熙河數郡孤立難守為 畫地而勿與尺寸使我心曉然知朝廷之意中國 長敵人彊悍之勢如傅虎以翼借冠以兵不唯無 詞以拒之臣訪開公邊得替官負皆以為戎人之 其意若異時戎心無厭繼欲請熙河故地不知何 卷三百三十二

還靈州中國亦償以故土如此亦足以折其無厭 臣愚所言非欲興兵生事盖西戎驕倨請求無厭 若不講的邊備折其貪冒之意其勢必至侵犯塞 之情兹邊陸安危之計宜博訪審處底無後悔 界為言則邊将盍答以靈州亦朝廷故土西夏若 必則是徒失險阻為久遠之累如夏人以故地強 與之不知果能使西夏懷惠無異日之患否不可 之强不敢輕犯願陛下詢訪執政大臣今以塞地 股代名臣奏議

钦定四車全書 →

郡勞師費用困弊中國伏乞陛下諂諭大臣以消 未然之遇 卷三百三十

要多因守逸之吏貪功生事而侵擾之積以成嚴其禍 聞自古中國有以致異域之患者其端固不一也然大 元祐間右正言王觌論吕惠卿違侵擾外界古疏曰臣

乃深故漢武帝用王恢聶壹之言絕匈奴之好以與馬

邑之師初已無利而其後連兵不解者數十年唐明皇

因孫誨趙惠琮之謀背吐蕃之盟以有青海之戰初雖

差第一将些虎等於四月十九日入西界聚星泊以來 大學士品惠鄉前知太原府於元豐八年內差知府州 哉故為國深處者若貪功生事之邊吏置之法而無赦 折克行等於四月十七日入西界三角川以來討為及 則庶幾得所以懷遠人安邊境之道也臣伏見資政殿 使生靈肝腦塗地財竭力彈為後世笑可不為之痛惜 唐之主矣然一為 邊吏所誤谕盟與信以快一時而至 一提而其後官軍陷沒者數萬人如武帝明皇可謂英

一次と四年人社

歷代名臣奏議

憂恐過作守備於極邊難得糧草之地添屯兵馬虚費 官王瑛以戰死兵士陷沒者六十餘人自是惠卿内懷 極多臣訪問惠卿出兵之時邊境本自安靖徒以元豐 計致西人却於五月中引千餘騎犯邊至沒蘆寨供奉 亡輕重傷銀絲二萬餘匹兩犒設及其餘錢糧又數萬 金りなんと言 討荡二将及麟府州蕃漢士卒并帥府添差之兵無慮 而見姓名者數百人隨軍子弟不預馬支過賞功及陣 二萬人騎不惟無故結疊於彼而我之士卒陣亡及傷 卷三百三十二

點人咸寬之未出兵之間三月六日登極大赦既到折 麟府路軍馬公事張之諫不肯隨順申請患鄉挾怒奏 盖欲事成則功歸於已不成則罪在将佐而已故管勾 去年春間面論諸将及遣屬官調次邊将佐申乞出兵 五年內曾有朝肯條往忽來為擾耕之計惠鄉緣此於 欠三日日上上 充行等題以四月十七日十九日入界臣伏讀三月六 克行以放書指為不侵擾外界未有出兵惠卿不聽故 日放書應以遇州府仰逐處長吏并巡檢使臣鈴轄兵 歷代名臣奏議 芫

士及選上人戶不得侵擾外界守疆場勿令騷擾此朝 息兵民悍兵民安土而無荷支之憂隣敵歸心而無擾 金月四月月三十 之情也而惠卿志不在哀心輕赦令徒俸功賞妄與師 神宗新亲天下聖心悲哀豈遑武事故須慰安隣敵休 感治盖皇帝陛下即位之始太皇太后同聴政之初以 吏軍民而宣讀馬聖恩深厚孰不噗嗟四夷傅聞當亦 廷之美政陛下之盛德也凡州郡故書初到之日集官 邊之患然後可以見中國禮義之舉可以申聖孝亮陰 卷三百三十二

文定四軍全書 南郊等故書並無前項不得侵擾外界等指揮惟太宗 徒使朝廷內則致疑於兵民外則失信於隣敵指虧國 禮遇不為不優國家寄委不為不重所當将順聖德彈 哉凡殿邊臣敢不恭命惠卿皆為執政方握的權朝廷 真宗仁宗英宗神宗登極大赦戒勅邊吏與去年三月 體病傷理政皆惠鄉之由也臣檢會本朝自建隆以來 六日赦文正同於此既有以見祖宗謹始之先務又有 以知陛下承祧之深意也是則於國家之體所繫豈輕 歷代名臣奏議

壓邊強者提封之内敢或違赦弄兵軟侵外境自當決 金万里万ノニュ 為可親四方宣復以朝命為可等後世豈復以祖宗為 聽如此則吏民豈復以敢書為可用異域豈復以中國 來廢的轉兵殘民辱國者皆微罪矣以惠鄉之惡為可 為可恕耶為不可恕耶以惠卿之罪為微罪則自古以 身犯韶禁海汗之號方悅於犀情無名之兵已歐於衆 行軍法以嚴天子之命以為邊吏之戒安可自為亂陷 可法陛下以惠卿之罪為微罪耶大罪耶以惠卿之惡 卷三百三十

惠鄉雖無遵用故書之意亦豈敢更不奏請而遽遂出 熟甚於此伏望聖慈察惠卿妄興師旅達聖孝之情廢 **卿不復奏請而遂出兵則是直廢赦勅無人臣之禮罪** 兵哉請不請固非臣之所知而其為罪惡則均也夫惠 足以致非禮之舉失信之過盡歸於朝廷也為臣不忠 以欺罔朝廷而已朝廷以邊帥之請而信之不疑則適 不容誅矣引赦為說而有請馬亦不過張大出兵之利 恕則由今以往欺君罔上壞法亂常者皆可恕矣或謂

人已习事人上生了!

歷代名臣奏議

7

格赦動無人臣之禮隳祖宗謹始之意開邊都異日之 孝之戒干冒齊聖無任忠慎激切之至 患僥倖功實志不在哀內致疑於兵民外失信於憐敵 多以口匠人 一十二 虧損國體靈傷理政番行誅竄以為天下後世不忠不 貼黃登極放內不得侵擾外界務要静守疆場等指 憤歎但以惠卿凶險傾邪皆任執政朋黨甚多恐 也及惠卿一旦而壞之縉紳之稍識忠義者孰不 捣自太宗以來 至陛下六里 所同守天下所共知 卷三百三十二

聖慈詳酌 無幾但曾經奏樂即須更治經歷官司之罪也乞 又曰奏而廢放與不奏而廢放其罪之輕重相去 賜主張臣非懼禍所愿臣言不行則於聖政所 四月十七日即是宣赦未及四十日而違赦出兵 不細而已伏望聖慈詳察 言發禍隨故未有敢以其事聞朝廷者惟朝廷特 曰赦到太原當在三月十日以後惠卿出兵在 損

欠已日日 A.Cano

歷代名臣奏議

甲二

我另四月百十日 麟府等處得惠卿指揮而後出兵又須數日既以 又曰三月六日故書必須數日而後可到太原其 **氣誅惠卿以為邊吏之戒** 今正當朝廷務要守静疆場經安隣敵之時故須 也今後朝廷赦動何以使吏民等之隣敵信之況 既邊境本自無事又故書有不得侵擾外界務要 **闻神宗上仙之時若雅場有警勢須捍固所不論** 四月十七日出兵即惠卿措置出界等事正是初 Į, 卷三百三十二

鄭俠之獄賊害正人諂奉王安石賴以進用後因 勢壞法亂常為國巨靈行手實之法騷動天下興 酌 考此之際而謀動干戈也惠卿若不重行竄極是 則人臣之不忠不孝者接跡而無懼矣惟里慈詳 因人之喪而伐之猶且不可自聞國哀之初若喪 静守疆埸之戒惠卿乃忍故違赦令忘哀動衆夫 又曰惠卿傾邪刻簿當其竊權用事之時簡賢附

欠己可見と言

歷代名臣奏議

朢

銀月四月百言 觀又状曰臣再瀝懇誠上演天聽臣今言吕惠如違赦 事所係國體甚大不可不行法也若為其已是宮 及之臣不復論今惠卿雖己罪惡貴盈懼禍稱疾 國如此之類皆中外之所共知者言事臣察必己 争利而為仇援引徐禧擢之通顯終致丧師而辱 觀差遣而寬假之乃是正中 力求官觀差遣欲以幸免縁前項太原府用兵之 凶之人何所懲艾 卷三百三十一 其姦計矣如此則

欠己の日上日 門下藻性傾邪與惠卿不異故自來交相為地人皆指 章與執政大臣議其罪法然中書侍即張藻素出惠卿 出兵事所緊國體甚大無係赦後之事伏皇陛下出臣 議之際惟聖越察之無令藻奸計得行則天下之幸也 為死黨今来陛下若與大臣議惠卿罪法藻必預馬論 原府於元豐八年內差知府州折克行及第一将訾虎 又状口臣近有封事為資政殿大學士吕惠卿前知太 干冒聖聰無任戰汗之至 歷代名臣奏議 高

若惠卿不奏請而遂出兵則是直廢赦勒若引赦為說 金ラヤルノニー 出界等事正是初聞神宗上仙之時乃忍故違赦動忘 討蕩有違三月六日登極大赦内不得侵擾外界指搞 等於四月十七日十九日入西界三角川聚星泊等處 哀動衆伏望聖慈緊惠即妄興師旅違聖孝之情廢格 信之過盡歸於朝廷也為臣不忠孰大於此惠卿措置 而有請馬亦不過張大出去之利以欺罔朝廷而己朝 廷以邊吏有請而信之不疑則適足以致非禮之舉失 卷三百三十

i

ころうるとかう |俺俸功賞志不在哀內致疑於兵民外失信於隣敵問 意臣固不得而盡知然臣竊料之其就有二而已其 臣請畢其說惠卿之罪在廢放出兵不在奏不奏也奏 兵之前皆有奏請伏愿朝廷為其曾有奏請而薄其罪 等事其状於今月初二日投進記臣今來竊聞惠卿出 損國體露傷聖政蚤行誅竄以為後世不忠不孝之戒 赦劫無人臣之禮感祖宗謹始之意附邊鄙異日之患 而廢放不奏而廢放其罪重輕相去無幾息卿奏請之 歷代名臣奏議 四五

朝 太皇太后陛下臨政之初首宣赦勅欲以著大信於隣 扚 赦 妨 也其二不過但以師期來請而不及赦則是愈即心輕 行與不得行雖異其為與問則一也臣竊惟皇帝陛下 不過謂元豐自有首為擾耕之計妥云與赦動两不相 也朝廷不允其請乃是惠卿欺問之計不得行而己 劫而直廢赦也引放與不引放雖異而其為廢赦 而可以出師則是惠 廷允請乃是惠卿欺罔之計得行而已欺罔之計得 卷三百三十二 柳引前 的以或朝廷而乞廢於 則

一多好四庫在書

惠卿一朝而廢之陛下謂惠卿之罪猶在可恕其所以 以來登極大赦指為不得侵擾外界六世所共守也至 た。日日日 上言 二日奏状并今來所奏並付三省議惠卿之罪蚤行誅 敵大戒於邊吏也乃因惠卿一舉而壞之本朝自太宗 不孝之戒惟聖慈詳酌施行臣不任區區忠憤之至 竄以警邊吏之慢以慰隣敵之心以為天下後世不忠 為罪豈在奏與不奏之間乎伏皇陛下檢會臣今月初 貼黃臣前状或已付三省亦須得今來奏状一處考 歷代名臣奏議

一金 另世居石書 歷代名臣奏議卷三百三十二 證伏望聖慈蚤賜降出施行 卷三百三十二